

錢氏家集



駿藩

陽湖錢氏家集卷二

佳樂堂遺集

陽湖錢 鈞廉村

自題憶書圖

咸豐庚申八月

故鄉千里盡沈淪。何物還堪繫此身。只有好書與良友。朝朝腸轉似車輪。

消息

辛酉在龍潭作

傳來消息似商飈。觸撻閒愁萬萬條。塵海有家增客感。亂離無處不魂銷。新沙草木經霜謝。故國山川入夢遙。歎逝傷離無限意。一燈涼影夜蕭蕭。

陽湖錢氏家集

卷一

佳樂堂遺集




白浦道中

僕僕舟車客是家。秋光流水送年華。千林紅透霜楓葉。兩岸黃分野菊花。天際雲歸風慘淡。江頭日落雁橫斜。驚心羽檄交馳急。又見貔貅繫絳紗。

題徐蓉莊碧莊避地圖

同治壬戌

鷓啼天津橋。見幾羨君早。盡室寄扁舟。浪靜布帆飽。青燄狂飈捲地來。江南千里劫餘灰。倉皇我亦攜家走。忍見千村萬落皆氛埃。瀛海風生浪花白。性命鴻



毛輕一擲。干戈叢裏渡鯨川。三載小鄰眼一瞥。君今
示我蓉莊圖。水竹琴書足自娛。雞犬悠然饒自得。桑
麻徧野無追呼。披圖使我心根觸。羨君獨得閒中福。
那知蟻穴徧枯槐。哀雁嗷嗷慘心目。我願借君蓉莊
莊。前十畝田。衡茅蓋屋盈百千。廣破鸞飄鳳泊之故
鶯。無賦瑣尾流離篇。圃有蔬池有鮮鴨。欄豚柵溪西。
偏與君花晨月夕論心煮茗長。年年婚嫁不數朱陳
村。避地不羨桃花源。

舟夜

陽湖錢氏家集

卷一 佳樂堂遺集

二

秋景足清娛。秋光淡欲無。荒村橫略約。野水長蕪蒲。
破斷一星火。疏林數點烏。欄川新畫本。水墨晚模糊。

感懷

滿目塵沙足歎嗟。鄉關回首已無家。頗年恰似營巢
燕。來日常愁畫足虻。永夜淒清哀雁語。隔江烽火夕
陽斜。樓船莫泊乘風利。焦額蒼生望眼賒。

題也廉弟讀書秋樹根圖

半生落落寡儔合。秋樹根邊閒抱膝。嶙嶙瘦骨傲秋
風。性喜煙霞成痼癖。有時披襟若散仙。白雲窩裏放

脚眠有時昂頭忍長嘯。俠情一往薄雲天。一言不合
掉頭別。白玉唾壺應擊缺。百煉難爲繞指柔。餐風欲
比秋蟬潔。荻花蕭蕭楓葉紅。舍南舍北皆秋容。狂吟
不知白日晚。傾吐奇氣成長虹。嗟予僕僕風塵際。亂
離作客眞非計。親老常違定省時。有書能讀羨吾弟。
吾弟讀書貴養志。孝經曲禮娛親意。六經以外無文
章。孝弟之中有樂地。莫但棲遲秋樹根。探奇索隱矜
新異。

歲暮雜感呈梁溪友人

陽湖錢氏家集

卷一 佳樂堂遺集

三

四十又添四回頭。萬事空學荒兵火。後人老別離中
舊業拋三徑。生涯困五窮。何當謝羈勒。把卷對東風。
滿目悲生事。中宵倍愴神。月斜犬吠影。燈暗鼠窺人。
霜重漏聲苦。風淒雁語辛。嚴寒催急景。轉眼歲華新。
轉眼歲華新。陽和大地春。乾坤洗兵馬。湖海淨烟塵。
作伴還鄉日。蘭亭修禊辰。期君九峰頂。同証劫餘身。

冬日書懷

風物淒清斗柄回。百年日月苦相催。有情舊夢匆匆
去。無賴新愁得得來。櫪馬悲鳴緣力盡。磨牛陳迹久

心灰半生閱盡榮枯事。棋局紛紛眼倦開。

甲子五月望日還鄉

五載鎖愁眉。今朝開笑口。遙望隔江山。如逢故鄉友。
紛紛列兩行。一一若招手。好趁半帆風。穩渡鯨川吼。
及至渡江來。滿目尙氛垢。白骨纏草根。青燐徧郊藪。
大地餘瓦礫。人跡絕雞狗。傷心一哭休。浩劫將誰咎。
乙丑三月澄江道中感事述懷漫成一律

浮雲世態一番新。榮落升沈莫愴神。努力好行今日事。
問心有愧百年身。爲輪爲彈原無我。呼馬呼牛且
陽湖錢氏家集卷一 佳樂堂遺集 四
任人過眼滄桑已。陳迹青山無恙又經春。

辭家

歲晏辭家客。心情不可論。陰雲慘行色。朔吹警離魂。
長路足哀雁。關心聞夜猿。永懷陶杜志。廣廈樂田園。
臘月十一日抵如皋

還家真似客。客裏當還家。舊雨番番集。新聞一一誇。
俗塵澆濁酒。詩卷供清茶。何事縈懷抱。閒中感物華。

歲暮感懷

悟徹盈虛理。頭銜號信天。有時蘇涸鮒。無力買腴田。

我自甘居後，人方苦占先。不知雄與白，贏得此心閑。

元旦書懷

丙寅

兔走與烏飛，何無一息機。百年真逝水，舉世戀斜暉。
未必今朝是，已成昨日非。菱溪好風月，勸我不如歸。

春興

好景莫蹉跎，春光忽半過。野烟扶弱柳，新燕點晴波。
吟苦花含笑，茶香鳥弄歌。村居幽興足，子欲奈愁何。

春寒苦雨

海國春將晚，餘寒氣轉驕。淒風欺驛柳，怒雨壯江潮。

陽湖錢氏家集

卷一佳樂堂遺集

五

遠浦迷漁艇，陰雲羃野橋。杏花零落盡，腸斷一年遙。

喜晴

一春常苦雨，今日喜新晴。麥隴初飛雉，桑林曉聽鶯。
江流芳草綠，風暖野花明。鷺鴨知人意，陂塘拍拍鳴。

村居漫興

時寓崇川之北劉橋

鄉村無世情，還往少逢迎。紫燕成新契，閑鷗覓舊盟。
翻書編帙亂，煮茗石泉清。田父知余懶，殷殷話耨耕。
花共春將去，愁隨日漸長。麥翻晴浪碧，燕啄濕泥香。
柳絮斂微雨，桃花借夕陽。高樓凝望久，歸思滿廻塘。

雨晴

雨暗綠陰濃。花飛蝶翅紅。懶雲停水際。倦絮點萍踪。
鵲語開殘。照蜩歌韻。晚風客心正無賴。遠寺一聲鐘。

夢中作

夢謝蕙階自賊中歸

故人意外得生還。十載相逢夢寐間。今夜亦疑仍是
夢摩挲。淚眼認容顏。

蕭蕭落葉打幽窗。回首流離欲斷腸。如豆孤燈黯無
俄。一庭涼雨話滄桑。

紛紛

陽湖錢氏家集

卷一

佳樂堂遺集

六

紛紛蠶觸鬪心兵。蚊睫何時息戰爭。沈溺世榮忘路
險。靜參禪味覺身輕。家貧却富天倫樂。性淡偏濃骨
肉情。雙槳菜舟歸去好。一犁烟雨課春耕。

雜感

頻搔衰鬢歎居諸。壯志蹉跎願總虛。世事漸知笑足
了。胸懷祇有哭能舒。一甌新茗懷良友。半榻清風讀
道書。滿腹飲河已堪晒。又看腐鼠嚇鷓鴣。

一任

一任纖雲翳太清。莫教塵土泊閒情。過多未必功能

補念轉須防心不平。棋局輸贏終幻相。花枝開落悟
浮生。秋風一棹蓴鱸美。夜夜菱溪看月明。

書懷

莽莽寒雲釀暮秋。海天空闊思悠悠。無災慣失塞翁
馬。有命甘隨巢父牛。霄漢遙看鵬翮健。榆枋敢笑鷲
斯遊。一腔熱血成何用。灑向長江不肯流。

西膠山春望

丁卯

極目平疇似畫圖。風光淡蕩鑑真吾。江山劫後精華
歛。天地春回草木蘇。佳景莫隨流水逝。瘦紅好倩夕
陽扶。悠悠塵世誰堪語。欲向滄浪覓釣徒。

陽湖錢氏家集

卷一

佳樂堂遺集

七

還鄉口占

亂離十載困烽烟。江北江南幾播遷。今喜全家無恙
在。扶藹同上五湖船。

舟平浪穩曉涼天。風正蒲帆十幅懸。倚檻好將塵俗
浣。水光山色共澄鮮。

重逢不改是青山。莫把重逢付等閒。歸去傲人無別
事。高堂七十尙童顏。

滿船兒女語喧譁。也解篷窗玩物華。恍惚曾經渾似

夢問余何處是吾家

遙指前林掛落暉。管聲潑刺櫓聲微。却聽舟子停橈
問正泊菱溪。舊釣磯。

葦白楓丹葭菼蒼。數聲漁笛起橫塘。江鄉風味依然
美。菱芡鮮新芋栗香。

舊識攜前迎水湄。老親未語喜盈眉。兒童一一皆成
長。次第殷殷問阿誰。

半生流水送生涯。賸有清貧樂事奢。莫笑歸裝無長
物。破書十束儘堪誇。

陽湖錢氏家集

卷一 佳樂堂遺集

八

鄰翁絮語漏聲迎。細溯經過淚欲垂。一舸倉皇飛渡
日。豈知今世有歸期。

訪舊探親幾輩亡。幾人瑣尾尚他方。得歸故里千戈
後。卻勝秦人終異鄉。

過去風波莫歎嗟。且隨田父課桑麻。相知情話頻招
飲。爲道年豐酒可賒。

田園風景浩無邊。骨肉團圓喜欲顛。從此光陰倍珍
惜。春暉寸草樂年年。

命存底用費參詳。絕智專愚却病方。生有百年仍倏
忽。死無再世太匆忙。心拘禮法妨疏嬾。性喜聒周易
退藏。夷跼樂湯等蒼狗。一甌苦茗酌斜陽。

得友人書有感

客況淡如水。人情幻似雲。有詩驅俗慮。無地避塵氛。
機巧肥荆棘。貪頑困戚欣。乘除煩造化。榮落會平分。

小築

小築菱溪畔。茅茨遂野情。漁樵紆舊侶。猿鶴訂新盟。
夢笑華胥幻。詩緣感興成。有時還獨往。相識盡忘形。

陽湖錢氏家集

卷一 佳樂堂遺集

九

梁溪寄內 戊辰

卅載投塵網。生涯逐浪蘋。烽烟催白髮。離別送青春。
歸計剛三月。辭家又兩旬。梁鴻溪上望。歎我尚依人。
兒女成行目。心神交瘁年。陰晴驗筋力。時序坐推遷。
慙慙他鄉夢。依依故國天。一燈風雨夜。珍重小窗前。
與子寬別後。獨坐無聊感。而有作。

世情嚼蠟厭頻嘗。引領青山興味長。多事未容高枕
臥。無才敢道善刀藏。祇愁蛇足供齒冷。肯使蠅頭誤
鬢蒼。別後有懷誰可語。幾回搔首獨神傷。

贈吳蒼厓

淡蕩心情閱歷身。卅年同此歎勞薪。世無管鮑誰知
己。室有芝蘭未是貧。好種秋花香晚節。行看梅萼報
先春。眼前光景須珍重。莫使閒愁暗損神。

題吳子寬荷亭消夏圖

桐陰半畝侵書綠。翠蓋翩翩颯寒玉。知君讀罷有所
思。閑步溪頭寫心曲。所思宛在水之湄。凌波綽約情
爲怡。亭亭淨植紅香豔。濯濯清漣冰雪奇。炎熇不入
先生畫。披襟似傲雄風快。卻笑長塗襪襪人。豈知世

陽湖錢氏家集

卷一 佳樂堂遺集

十

有清涼界。昨年奪得錦標回。會當獻賦黃金臺。勸君
莫戀幽居樂。草檄飛書正乏才。

自懺

有身是患況浮名。露電空花瞥眼更。性分自涵千載
想。閒情偏與百端爭。凌雲新竹蓂蓂長。滯雨青苔故
放生。幾陣西風器塵障。疏林明月印霜清。

春暮作

此心曾與古爲徒。回首空驚歲月徂。目力就衰書味
永。春光漸老客情孤。忽聽鳥雀爭枝墮。失笑雞蟲奪

食喻。攘攘熙熙可憐甚。人幾塵海喪真吾。

秋日偶成

萬斛秋光潑眼明。鑑人心跡喜雙清。東籬未種陶潛菊。皋廡空傳梁子名。蟋蟀啾啾話歸興。雁鴻歷歷又南征。側身悵望頻搔首。年復年兮虛此生。

久旱喜雨

五月作

自冬徂春夏檐漏未一瀉。二麥雖有秋原田色如赭。溝洫漸成蹊。江河不沒踝。老農皆束手。新秧不滿把。大官例祈禱。嗟歎盈郊野。一朝油然雲瀟瀟。時一灑。

陽湖錢氏家集

卷一 佳樂堂遺集

十一

卻似救車薪。勝無敢云寡。倏忽吼風霆。重雲若奔馬。天地鬪翠龍。霹靂飛屋瓦。三日無昏晝。濃綠徧高下。歡聲雜蛙聲。發贖震聾啞。相見無他言。聒耳豐年囑。預訂農事休。釀錢大作社。榴花如欲笑。蜀葵更嬌姪。金鳳吐深紅。幽蘭暗香寫。萬物各得時。病夫散癥瘕。鬱蒸神自怡。霽濕覺幽雅。自嗤無半畝。奢願存廣廈。豐歉事之常。憂喜逾耕耨。者美睡。今宵酣飽飯。從茲日。偶患風溫。誤投劫劑。病幾危殆。易醫而愈。己巳。

二醫多情。忽見親藥。爐烟裊再經。旬名醫苦苦投方。

祖國手輕輕解肺辛今日繙書如訪舊昨朝一飯勝
嘗新病長病短尋常事只恨虛拋一月春

病起讀懷麓堂集有塵世惟應病裏閨之句爰

成一律

精力初衰鬢漸斑更堪愁病似循環華年都向愁中
過塵世惟應病裏開病後始知無病樂愁來何計遣
愁還達人祇有漆園吏朗誦南華一解顏

讀楞嚴經

偶讀澁心見性篇六塵五蘊一時闕少來俗務仍紛

陽湖錢氏家集

卷一

佳樂堂遺集

十一

擾旋覺清緣盡變遷根薄自知無定力氣衰且戒強
爭先何當卸卻征衫了換着萊衣娛大年

連日驟暖繼以急雨紅梅盡落卽事成詠呈此

琴次兄幃餘六弟

春氣逗芳原春堪驚鷓鴣喧暖風蘇病骨驟雨斂梅魂
樹樹競新意青青沒燒痕良時莫輕負好共倒芳樽

戲贈三陰瘧鬼

與子睽違已廿年如今舊雨喜重聯六時涼燠遇時

解兩日清閒一日眠謝客有辭客懶情觀書無礙糾

探研祇愁良會成離阻何事高吟杜老篇

二十一日再贈

多君慷慨話炎涼振我疏頑意氣揚抖擻不辭赴湯
火轟騰直欲臥冰霜信如潮汐排山海義配陰陽具
翁張不用強人卿自說爲予細細數荒唐

八月初一三贈

回思消夏樂徜徉苦樂相依漫較量二豎有情交念
舊三焦無恙飯如常形骸瘦損非吾患神氣清明與
病忘遲爾中秋同玩月更期采菊度重陽

陽湖錢氏家集

卷一

佳樂堂遺集

三

初七日四贈

寒熱漸短詩以留之

朝朝下榻待君過應恕疏慵禮數訛聊是解人交欲
淡我逢知己語無科旁觀屢進問離策□□□□□
□□卅六時中蒙一顧不堪此會復蹉跎

十三五贈

卽以送行

竟唱驪駒一曲歌西風渺矣隔關河感君善戲非爲
虐笑我吟詩慣引魔好把良能還二氣應收出不避
雙戈神交莫恨天涯遠倘寄相思託夢婆

夜宿甯遠樓默誦義田記感而有作

秋氣肅江城。霜清月倍明。犬猿嗥萬籟。漏點急三更。
冷念無衣苦。踪希有志成。浮生真魯莽。此願費經營。
繼起方為有。汝賢那堪一。病竟長眠難。聽姑婦晨昏。
泣怕讀親朋。慰唁箋生世。偶然作瓜葛。縈懷底事苦。
纏綿強言作。達從何達重。展莊生第二篇。

哭運兒 辛未

罷奏

罷奏成連海上琴。憑他衰病謾相侵。有情花鳥天然
畫得意詩篇。自在吟十韻。求剛耕食廩。五車已負讀。
陽湖錢氏家集 卷一 佳樂堂遺集
書心從今得。遂閒疏懶長。向風前豁素襟。

古

贈謝養田

努力少年日。才華莫浪投。人心工險薄。吾道慎交游。
尚友觀青史。閑情寄白鷗。他年賦招隱。遲爾釣溪頭。
得養田書御寄

離居無百里。相望似三秋。一紙傳雙鯉。開緘散別愁。
言言關至性。欸欸效勤修。慰我十年意。因之感昔游。

獨坐

獨坐悲今昔。長歌夜氣清。犬囓四野靜。月照一燈明。

心性同。枯木行藏悔此生。年華流水逝。懷抱向誰傾。

言懷

強齊物論笑蒙莊。有好真同臧穀羊。樂善人嗤蟻戴
粒愛書自笑鼠搬薑。襟懷曾証三秋月。衰境新添兩
鬢霜。安我疏慵甘退讓。任他鄉曲漫評量。

讀史

乘時割據關天意。得保偏隅亦霸才。春水方生宜速
去。帆風正利竟重來。滔滔不盡興亡感。歷歷空驚歲
月催。俯仰之間幾陳迹。一編讀罷不勝哀。

陽湖錢氏家集

卷一

佳樂堂遺集

七

歷歷

歷歷經過事。回思一惘然。艱難傷早歲。哀樂感中年。
補拙資良友。哀書當薄田。有懷休念忽。敢望子孫賢。

徧性

徧性惟餘懶。勞生付短歌。行藏歸月旦。忠信定風波。
今雨知心少。古人尙友多。一編時在手。尙算不蹉跎。

青瑣

青瑣世守舊家風。而我偏投塵網中。歲月虛拋三徑
冷。詩書尙伴一燈紅。已拚霜鬢同秋草。猶抱冰心語

夏蟲前路茫茫荆棘滿。從容退步海天寬。

得福蓀秋闈捷報

日凜冰淵警惕思。每逢喜慶轉驚疑。世間一舉尋常事。偏有旁人代展眉。

久雨憶福蓀枕上口占

滯雨通宵又徹明。床床屋漏夢頻驚。縈懷別已逾旬日。屈指行經第幾程。淑氣漸融蘇地脈。早梅欲放待春晴。前途日覺風光麗。好遣閒愁壯客情。

汨沒

陽湖錢氏家集

卷一

佳樂堂遺集

十六

汨沒襟懷塵俗中。清貧幾喪舊家風。看渠甘作河間婦。而我方思塞上翁。聚散任教煩造物。詩書應自哭途窮。終何補徒使浮雲翳太空。

附詞

臨江仙

舟行白蕩圩寄懷兆琴兄慎餘弟

千頃平湖晴浪碧。照人眉宇分明。俗塵都向此中傾。狂歌一闋東去大江橫。去日苦多來日少。飛光一霎堪驚。年來空自說歸耕。樵兄漁弟何日踐鷗盟。

浪淘沙

歲月去堂堂。兩鬢成霜。百年事業總荒唐。卻有平生如意事。書滿青箱。書味樂徜徉。物我相忘。無情毀譽任評量。都付無心卿莫笑。恐負年光。

附自挽聯

有限光陰俱付他名。縑利鎖湖。半世勤勞謹慎止嘗得苦辣酸鹹。到今日花謝水流。却喜萬種塵緣。此際不妨齊撒手。

無情毀譽任憑人說。短論長想。一場貴賤窮通。都是箇夢幻泡影。看霎時雲收霧散。好趁滿天明月飄然。

陽湖錢氏家集

卷一

佳樂堂遺集

十七

長往莫回頭

尤悔喜無多。望後起能賢。莫爲諷修延釋道。詩書曾有志。偷前因不昧。可將吟誦當號咷。

自撰聯

自昔雄偉非常志節卓絕千古者往往負匡時之略
懷報國之忠或落落無所合則徜徉乎泉石寄意於
山巔水涯乘其閒爲體用兼備之學鍊吾識養吾氣
曾益吾才力所不及從容以俟時是非欲以高蹈自
異也孔子所謂隱居求志漢諸葛氏所謂凝靜以致
遠率此意也予嘗持此意以陰求天下奇士則於丁
卯戊辰間得吾良友錢君鶴岑鶴岑家於郡之東去
郭約五里吾郡爲江以南繁劇地當蘇湖揚鎮之衝

陽湖錢氏家集

卷二

九峰閣記

一

郡城西商舶雲集囂塵之氣不可耐獨城東隅多茂
林古刹宋蘇軾艤舟亭元虞集飛霞樓故址在焉君
之先人卜居於是蓋有年矣君以乙亥登賢書旣捷
而屢困遂就故居之側購隙地爲園築亭於南鑿沼
於北亭後有軒軒窗四啟君性器遠高潔志節壁立
千仞而豪於詩文喜博覽經史觀古忠臣義士文集
年譜浩氣塞胸臆每大雪則與二三奇士置酒高會
酒酣風急舞迴雪雪舞君亦起舞因名其軒曰快雪
軒軒外有閣閣峻甚繞閣數十里多遠山銅宮善卷

環其南惠山錫山橫其東黃山君山舜柯芳茂峙其
北登閣而望羣峯隱隱出沒雲際樓指數之蓋有九
焉君仰而望山俯而吟嘯植蓮於沼飼鶴於亭宴客
於軒讀書於閣春夏之交羣葩競芳秋冬之際雪月
遞潔嗚呼噫嘻隱居之樂有過於是者乎歲我子子
假旋爲長子完娶因得偕史君芴賓訪鶴岑於閣上
於是與鶴岑不見者三載矣既見則大喜酌以慧泉
之酒取池魚置韭以佐餐酒未半張子喟然歎曰秦
否晦顯通塞命也非我所能必也君子盡其在己可

陽湖錢氏家集

卷二

九峰閣記

一

也林壑書史琴鶴天趣也至樂也天亦不得而靳也
大丈夫出爲名宦處爲通儒得志則致君澤民兼善
天下不得志則枕經菲史放浪於山水洒然以終其
身遯世不見知而无悶夫如是復安往而不樂耶君
所居之南隔一橋有隙地焉予將卜於此築室三楹
而峻其閣君之閣峙於北予之閣峙於南暇則晨夕
往還賦詠累日或開徑以俟或接武而登或倚檻以
望遠優哉游哉聊以卒歲其可乎君曰可顧子之宅
於此予不知其何時予之快雪軒九峯閣邑名士題

誅始徧而秋舫獨不爲早紀其勝是天壤內大缺憾也予遂援筆濡墨而爲之記

陽湖錢氏家集

卷二

九峰閣記

三

余久宦嶺南以炎燄無雪歲寒寡友良用慨念壬辰
奉諱里居時屆仲冬北風怒號玉花飛舞漫空積素
高下一白遂放櫂出東郭經艤舟亭望紅梅道院逕
訪錢君鶴岑於九峯閣讀其舊作前後大雪歌萬里
寒芒皎然與詩境相映發以爲乾坤清氣盡萃於此
覺山陰訪友灞岸尋詩古人不是過也於是與君別
已計有八年矣憶乙亥歲同寓金陵是科君掄高魁
常落落然有遺世獨立之槩性情超曠固與詩爲宜
嗣是公車屢上困頓風塵俯仰身世有不能已於言

陽湖錢氏家集

卷二

九峰閣詩集序

一

者時亦寄之於詩其詩爲李爲杜牢籠衆有讀者自
知之無俟余言而余尤羨君令子有逸才足紹家學
閨媛咏絮有林下風一門騷雅獨得至樂自愧浮沈
籋宦學業無成欲結鄰與君終隱而率藜瓦事勢復
有所不能因錄其大雪歌及近輯槩香五筆中而并
記其聚散之迹如此冰雪之交其以是爲鴻爪可乎

光緒癸巳四月涇陰金武祥識

奉藜里居神韻於此風寒雖正亦張戰雲空海空

余幼喜吟詠及長習舉子業遂棄不復作至丁亥歲
時年已三十有九秋間有雜揚之游舟中無事始復
爲之自丁亥戊子兩年間得詩三百餘首凡所見聞
胸中所積鬱與感時撫事一切憤激不平之意一洩
之於詩工拙深淺則不暇計也余少不自量頗思有
以自見於世乃名場困頓積二十餘年卒未得志自
己丑以後又累上公車累報罷跋涉勞瘁齒髮漸衰
意興頽喪擱筆又四五年矣去年秋又因幼子孺益
復悲憤無聊雖復吟風弄月之趣乃檢閱舊稿懼其

陽湖錢氏家集

卷二

九峰閣詩集自序

一

散失并此區區而無之略加編次付梓己丑以後寥
寥數首而已古人云詩窮然後工余謂窮而工詩不
得謂之窮也若余者則許愈遠遇合愈艱時事亦愈
非至中年以後天所以折挫之者亦愈甚求如數年
前揮毫落紙暢其所欲發以逞其抑塞磊落之氣并
不可得嗚呼窮至不能詩窮可知矣所存者僅此此
後之能作與否與所作之當有進於是與否均不敢
必也光緒癸巳季春陽湖錢嚮臬自序

陽湖錢氏家集卷二

九峰閣詩集卷一

空野

丁亥

九月二十日送舍妹還北途中律句

曉發晉陵城西風撲面迎岸移隨棹緩帆過掠舟輕
溪滿窗痕碧雲高野色晴辭家纔十里已是暮鐘聲
舟重渾難進長空日欲斜風高鴉傍樹潮落蟹行沙
詩淺易成句溪清健煮茶新豐擬沽酒一醉卧蘆花

陽湖錢氏家集

卷二

九峰閣詩集卷一

嘆阻風

狂風夜半聲如雷巨浪打舟舟欲摧艙門朝開不得
發商舟千萬俱眠桅我甫離家三百里半日長行一
日止出門行止不自由因知世事皆如此少年意氣
何英雄動思駕浪乘長風長安監子多得意何況抱
負千人空乃知十上竟十蹶四十年華等閒擲救世
空懷賈誼心居家徒抱蘇秦策一朝拂衣願出遊天
公亦復專相仇酸風苦雨厄行路使我不得舒心憂
終日揮毫博自快千言萬言任天籟懷抱鬱鬱無人

知以歌當哭免驚怪擲筆長嘯頑雲開天晴雨歇風
爲迴英雄遇合有遲早且看青山盡一杯
過攔江灞
灞流洶洶如萬隊。絳夫十步九倒退。纜長失手舟回
旋。舟子驚呼汗流背。乃知世路多崎嶇。江海以外非
無虞。寄言行客休輕忽。揮手出門無坦途。

小溪

小溪深復深。陰陰兩岸樹。深處有人家。時時見男婦。
我時過溪口。舟行不得住。泊舟如相訪。應有桃源路。

陽湖錢氏家集

卷二

九峰閣詩集卷一

二

舟中述懷寄內子

舉筆擲筆詩不成。舉杯擲杯酒罷行。自嘆壯懷在四
海。三十九載無知名。年來挾策干當道。上書萬言不
見報。高歌惟恐四座驚。痛哭還防衆人笑。大兒幼年
聰且明。出筆詞賦令人驚。挈之遠遊助高論。萬里間
以風濤聲。囊中出書盈几案。評點唐虞罵秦漢。千載
上下洞無遺。衆說紛歧歸獨斷。吁嗟乎以之問世世
不知羣兒擾擾方趨時。不爲蒼生恤凋弊。日與魍魎
爭新奇。滔泊誰挽狂瀾倒。徒手無權痛懷抱。呼天不

聞火不膺山妻勸我山中老嗚呼君不聞古人愛世
心席不暇暖突不黔何當揮手謝時去甘臥蓬廬抱
古琴

晚泊詩離如臯二十里

日落水氣寒遠市見燈影孤舟將就泊篙師力益猛
人聲喧酒家炊煙起漁艇傍晚風既息溪路益幽靜
今夜當醉眠到城夢乍醒

陽湖錢氏家集卷二 九峰閣詩集卷一 三
陽湖錢氏家集卷二 九峰閣詩集卷一 三
陽湖錢氏家集卷二 九峰閣詩集卷一 三

陽湖錢氏家集卷二 九峰閣詩集卷一 三

陽湖錢氏家集卷二 九峰閣詩集卷一 三

陽湖錢氏家集卷二 九峰閣詩集卷一 三

陽湖錢氏家集卷二 九峰閣詩集卷一 三

陽湖錢氏家集卷二 九峰閣詩集卷一 三

仰登傑閣勢崔嵬萬里川原眼界開風捲市聲憑檻
聽窗迎野色過城來危樓寒磬前朝寺老樹斜陽廢
苑臺見說望江曾此地滄桑千古爲徘徊

紅旗閃閃門大開

紅旗閃閃門大開厲聲喝船船倒回微官旗衙不足

拒翻箱倒篋鷹犬來手持鐵籤籤數尺船底船頭搜

絡繹見我行李殊空空僞作好言謝行客我時見之

髮指冠 聖朝弊政何時刊君民不利利中飽匹夫

致富還遷官鄰舟老人爲予泣自言往往遭拘繫縛

我舟子如縛雞恐嚇萬端何太急小舸一葉淨江天
欲博微利供炊烟翻爲此輩填愁壑婦子何由得自
全老人之言殊切齒小民受病非今始上下相蒙孰
叩闕鴻雁哀鳴鷹犬喜吁嗟乎官吏取商商取民民
生日蹙國益貧當今豈乏救時策圖土流民丞相瞋
人伴十月初四日借妹夫徐芝田并攜大兒振鏗重
遊曠山予昔年避亂嘗寓於此今距南歸之
歲已二十有三年矣因用杜工部重過何氏

韻作五律五首

陽湖錢氏家集

卷二

九峰閣詩集卷一

四

海角荒寒地兒時此讀書一從還故國久矣守先廬
不泛武陵棹長餐張翰魚廿年重到此來認舊時居

其二

人物驚都改川原幸不移訪鄰新氏姓抱子昔嬰兒
蠡蛤仍盈市魚鹽正滿陂范堤終古在保衛特藩籬

其三

萬頃蘆花白風光宛舊時重遊山際寺細讀壁間詩
古樹枝無葉孤僧鬢有絲再來應老大姑與野鷗期

其四

地僻稀人至桑麻野逕長一隅世嘯傲六合靖機槍
異狀看魚蟹豐年飯稻梁開樽羅海味酣醉話叢皇
其五

代謝須臾事題詩且紀年荒山尋舊迹故老弔重泉
笠屐天涯客漁樵海上田路人無識我相顧各茫然

蠙山雜詠

掘港一名蠙山

廿年重到海之隈風景茫如隔世同行遍市廛無舊
識此身翻似令威來

素向西方寺裡遊至今無復老僧留錢郎相見莫相

陽湖錢氏家集

卷二 九峰閣詩集卷一

五

問惟有鐘聲到客舟

雲浦橋邊落照斜紛紛半是賣魚蝦晚來燈火喧街
市猶有當年舊酒家

管家舊是讀書堂門徑依然宅未荒最愛紫薇花一
樹此來應識紫薇郎

寄居客舍六經春慙慙兒時景尙新慣步空廊吟夜
月此間步月又何人

舊有詩人號醉仙空將杯酒弔重泉詩家清景無人

問雲滿空山月滿天

掘港有陸姓號醉仙者能詩

有妓曾呼楊素貞，每聞歌管月三更。
桃花門巷依稀是，不見嬌娃出戶迎。

踏徧沙漢碎蛤蚶，東賓橋上照晴曦。
清流一曲對蓬巷，猶記兒時垂釣絲。

我年十二來蟻浦，令我攜兒已十三。
舊館猶存非舊主，空行街北復街南。

偶來偶去少人知，迎送溪頭只鷺鷥。
我有新詩題古壁，何年復此續題詩。

題掘港土山寺壁

陽湖錢氏家集

卷二 九峰閣詩集卷一 六

平沙莽莽浩無邊，細徑穿雲到寺前。
烟火萬家籠樹小，水天一色抱墩圓。

山僧煮茗談前事，漁子鳴榔隔野烟。
二十三年成一夢，舉頭不改是林泉。

歎邱姓 居掘港曾寓其宅

昔見邱姓家，一堂萃三世。有孫名魁兒，嬉戲方九歲。

今我訪其家，不見舊時第。問之鄰父老，其家已頽敝。

屋舍既轉售，子孫亦凌替。更問魁兒名，不知何所逝。

昔我見其祖，恰恰頗慈惠。兒孫善承歡，一門無乖戾。

奈何二十年，興廢須臾際。觀彼作善家，子孫不能繼。

奈何二十年，興廢須臾際。觀彼作善家，子孫不能繼。

何況富貴兒赫赫逞炎勢。朝露與夕陽不爲久長計。
天道本無常。循環無可泥。當前慎所守。未來任所詣。
清夜課兒讀。遠聽霜鴻唳。

觀鹽場

雪山參天鹽萬堆。牛車輾輾從東來。灶戶健兒力扛
鼎。推鹽萬斛何皚皚。鹽水天地自然利。熬波出素乃
民事。澤梁無禁。王政寬與民爭利。非古意。管子器小
何足云。官山府海驕其君。後世因之禁鹽鐵。遂與市
儈爭。紛紛官鹽私鹽苦分辨。偷運雖微于國典。陸

陽湖錢氏家集

卷二 九峰閣詩集卷一

七

有關隘水有船搜察人人不能免。吁嗟王道何平平。
食毛踐土安其天。君欲利國民不利。狗怪伏莽私垂
涎。

觀劍井

井在掘港都閩府署內相傳唐薛仁貴遺劍在此

薛仁貴遺劍在此

昔者仁貴征遼東。大呼陷陣千軍空。天子召見拜大
將。萬夷慄伏無撓鋒。我來海濱適遊騁。同人引我觀
古井。井中云有仁貴劍。千秋劍氣猶耿耿。當年三箭
定天山。壯士真堪靖百蠻。至今遼東說唐將。猶震大
唐之威嚴。奈何西夷敢輕侮。官軍畏夷如畏虎。我知

仁貴生今時劍氣冲天毛髮豎別

念慈偕徐芝田昆仲登文峯閣話

北來重睹異鄉天物換星移幾變遷故老於今無
二可知吾輩已中年
文峯閣上指家鄉片片征帆入杳茫我有九峯最
閣朝朝相對望斜陽

閨閣晚次姜堰

天涯本意暫勾留一路徐行此泊舟鄉國不知風勢
阻計程應說到揚州

陽湖錢氏家集

卷二

九峰閣詩集卷一

八

舟夜

東風有意阻歸橈留泊揚州廿四橋明月正當三五
夜問誰解弄玉人簫

閨閣晚次姜堰

瓜州遙隔暮雲堆爲繫扁舟待曉開江水似知迎遠

客夜潮先府月中來

舟楫紛紛水亂流往來都作廣陵游關梁一夜溪聲
急夢裏常驚風雨秋

望高郵湖

萍落湖水接天青鏡裏浮舟數點萍我是慣行江海
客推窗把酒話滄溟

鍾萬揚州舟次

自昔繁華冠九州六朝明月至今留風流杜牧無人
識十里珠簾半下鉤

青巖瓜州阻風

青山歷歷在江南江北蕭然數草庵我欲過江風故
阻朝朝携酒看烟巒

大玉瓜州望江歌

陽湖錢氏家集

卷二 九峰閣詩集卷一

九

大江西來何湯湯連峯際天低復昂千秋萬古意不
盡登高長嘯凌青蒼洪流混混無涯涘決漢排淮自
禹始偉哉江山亘南北代代英雄憑鼎峙英雄代謝
古復分紛紛成敗皆垂箴才人憑弔幾百輩前後論
列開人心我謂江山氣已洩欲作長歌筆復輟豈知
浩浩無窮時亘古罕能竟其說朝潮暮汐日自來千
巖萬壑長崔嵬時代變更不知幾千百其於江光山
色何有哉邇年鬪爭屢受困三國六朝安足論飛矢
蔽江鼓震天力過紅巾歎疲頓金陵相持二十年江

頭歲歲驚烽烟官軍一朝報清肅波心戰血紅霞鮮
至今妖氛靖海嶠萬里清光作鏡照南岸青山高入
雲依然明媚向人笑江兮山兮何無情坐送萬古成
空枰英雄戰鬪徒自苦水流雲在終無驚山有阿江
有渚誤人割據皆爾咎奈何終古無言語終古不語
禍未央後顧來者嗟茫茫天長地久此不變仰瞻白
日徒紛忙西連黃河東注海逝者滔滔不相待以今
弔古來弔今怪爾江山何自在怪爾江山爾不知大
含元氣長如斯聊借眼前萬古意壯我囊底千篇詩

陽湖錢氏家集

卷二

九峰閣詩集卷一

十

詩成峰頭月初出壽瀾作聾天籟發江山慘淡似銜
哀感我悲歌氣豪逸

過金山

我欲金山絕頂遊。往來兩度未停舟。江風有意催歸
客。不爲山靈暫挽留。

曉渡揚子江

片帆纔挂北風催。頃刻扁舟到岸隈。初日高臨紅葉
樹。亂鴉亦復過江來。

慙盡驚波千里餘。此行南渡意方舒。還家攜得新詩

稿。應覺風濤滿做廬。

毘陵道中作

昨日乘風一葦輕。耳中汨汨波濤聲。意謂一日可千里。朝發瓜州暮晉陵。丹陽城南河水漲。千舟中梗不得拔。去家百里難遽歸。崗坐船頭看明月。今朝潮上聲喧豗。舟楫相摩若巨雷。千撞百擊突圍出。如鳥舒翼樊籠開。方催舟子張帆去。風從東來若相妒。浪頭飛花高打船。船重挽者不成步。昨日千里頃刻間。今日百里何其難。人生逆多本順少。百年幾日開心顏。

陽湖錢氏家集

卷二

九峰閣詩集卷一

十一

呂城曉發

五更雞亂號。落月明村墟。過斷驚殘夢。漁火在烟渚。暗水響船腹。靜聽似人語。榜人畏霜寒。牽舟走水滸。家在通吳門。計程卅里許。初日照高桅。桴可見衡宇。我詩已盈囊。強半道行旅。觸境情自來。不覺作詩苦。今日還故鄉。爰以示儔侶。登我九峯閣。一讀百杯舉。

遷家作

欣欣稚子候柴扉。拂盡征塵浣客衣。最喜故園今夜月。天涯同去復同歸。

除夕書懷七律三十首

銜杯數閭夜如何半世韶華轉瞬過自願早年攄抱
負豈期壯歲付蹉跎案頭久厭江郎筆枕畔空橫越
石戈引起生平無限恨一詩賦罷一高歌

莫怪書生衆所迂狂瀾已倒見真吾少陵憂國詩逾
富賈誼疎書道本孤救世豈徒矜傲骨扶危畢竟在
良圖夜深秉燭愁難寐坐聽城頭叫曙烏
寇氛上貫九霄紅廿載邊防一炬空擊楫有心師祖
逃甲闈無路哭陳東自來忘戰皆危國共冀和戎便

陽湖錢氏家集

卷二

九峰閣詩集卷一

十一

報功寄語外夷諸使者甘陳不愧古英雄

哀鴻遍地慘呼庚誰致天災嘆不平隻手本難扶大

厦諸公疇肯念蒼生繁星夜隕

乙酉冬間流星亂落
按象緯志流星四面

行者庶民
流離之象

先幾兆洛水瀾翻大地驚浩浩懷襄連告

警帝堯何計慰輿情

語言文字習遐陋薄技偏長徧地搜夷夏競談新學

聞詩書獨抱古經猷羣兒但博頭銜貴舉國誰懷世

道憂西法不工工巧詐幾曾疆場效同仇

西商徧地盛民生呼籲遙遙隔帝京誰向寰中救

飢溺但聞 朝右說昇平河山半奪舟車利關市全
供鬼蜮行黎庶何堪更腴削販夫納粟又簪纓

忍棄藩封遂敵謀越南緬甸復琉球中朝莫雪三邊
恥一士偏含萬古愁侵阮本櫻文考怒亡昏翻笑杞
人憂唐家曾報新羅怨不破遼東誓不休

求才 詔下九重天羣類彈冠滿目前聞道公卿多
薦引知憂社稷幾英賢管城雞遂封侯願竈下偏多
拜將緣 聖主殷勤啟東閣也應夢到傅巖邊

幾人直諫叩 天闈敢效朱雲報 國恩畢世窮通

陽湖錢氏家集

卷二 九峰閣詩集卷一

三

誠有命滿腔心事付無言華夷多故關全局將相何
功咎 至尊 朝士怕聞談闕失飛蛾撲燭正紛煩
避人避世兩遊移沮溺無情不可師豈乏漁樵爲伴
侶忍誇身世脫籬籬誰云宗社成孤注願爲乾坤振
圓維欲使人心回向道雷霆奮迅快驅夷

百般心緒付吟毫夜聽松風作怒濤出語敢云驚世
俗違時自分恥牢騷彌衡不薦應無厄李廣難封也
自豪四海卽今幸無事呼兒聊復講兵韜

年年伏處閉柴關舉念常懷國步艱白髮漸生空待

老赤心不死肯偷閒卻知才短難輕世自信泉清始
出山六國相來成底事羞隨蘇季走塵寰

我無言職我無官方寸胡爲不自寬千載同心惟向
友八方無事共偷安希文早歲憂天下平子閒愁付
筆端理亂不知方洒落五湖烟水一漁竿

明朝又是萬家春懷抱依然物候新伏櫪敢灰千里
志讀書還顧百年身也思捧檄歡慈母何自爲霖谷
帝宸百萬瘡痍翹首望調元贊化孰垂紳

舉頭塵海浩漫漫不遇知音淚暗彈七尺身軀遭世

陽湖錢氏家集

卷二

九峰閣詩集卷一

西

棄萬言書稿背人看恥干豪貴工彈鋏坐盼將軍老
據鞍欲爲 聖朝陳得失浮雲無奈隔長安

寒窗依舊一燈青歲歲埋頭史復經聊相幾人知有
我文章世上恨無靈劍橫坐待鷄鳴樂酒醒閒聽鶴
喚庭年少當時同桂籍紛紛先我步 天廷

人生何必悔儒冠自古行藏擇所安莫羨功名諸子
易願爭志節一官難風塵無地逢青眼 廊廟何人
免素餐感憤時時還起舞挑燈不覺夜吟寒

家家歡笑畫筵前銀燭金爐氣鬱然最苦寸心懷壯

略可憐一夢已中年滄桑慣閱人間事梅鶴偏饒物
外緣我讀長歌懷李泌鳴珂無分卽飛仙

世運於今不喜儒擁書萬卷欲何圖兒能讀史隨機
問妻爲憂時笑我愚覽鏡自憐溪上鷺隨波豈學水
中鳧會逢歲始占佳氣一朶紅雲望帝都

東坡素不合時宜對衆何從贅一詞恨讀楚騷方隕
淚愁憑魯酒暫舒眉羨他管鮑生同世欲轉唐虞詎
有期記否汨羅漁父語獨醒不若醉醅醪

出門誰可與盤桓歲月消磨歎寡歡沽玉雖殷還是

陽湖錢氏家集

卷二 九峰閣詩集卷一

圭

待抱琴自愛爲誰彈乾坤肅殺春方轉星斗微茫夜
欲闌三十九年無一事空令齒髮早凋殘

對客圍棋約半枰燈花碎落漏聲清韶華未老衰先
覺身世多憂氣轉平抱璞豈堪行市井救時還願望
公卿伏波橫海成何用空聽終軍說請纓

論交舉世重黃金四壁蕭然獨苦吟濟世無才存熱
血憂貧有婦代寒心眼看八表傷時事手錄羣書貫
古今閣外乍添千嶂雪安排新歲快登臨

紅塵滾滾走朋儕自賞孤芳豈與諧心抱歲寒宜耐

淡身憂病廢且開懷曲編修竹籬三匝疏種寒梅水
一涯春到此間饒別韻看花何必洛陽街

孤雲出岫去何依選博道遙臥翠微慣看烟霞眠竹
榻喜無車轍到柴扉王曾志豈謀温飽諸葛胸原定
指揮近對名山辨幾籜好隨鷗漏共忘機

學術還防誦井蛙兀荒事業浩無涯才堪脫穎柯須
斲身未成功不敢誇何處巨川濟舟楫且從老圃課
桑麻馬蹄屢向春風蹶厥謝長安十里花

舉世茫茫莫我知蓬廬拙守策何施班超有志終投

陽湖錢氏家集

卷二

九峰閣詩集卷一

六

筆賈藹無聊自祭詩獨鶴盤空誠寡偶巨魚縱壑在
遭時眼前窮達何堪定莫使猖狂泣路歧

擾擾羣輪概世情挽回誰謂志無成人憂白日行天
運我盼黃河徹底清治亂豈皆關氣數升沉還欲卜
生平所嗟去日難重補怕聽霜鐘報五更

匆匆泗水改相催自顧無聞志可哀涉世有愁隨歲
積吟詩無序應情來凍痕猶掛千條柳春意纔舒數
點梅爆竹滿城天欲曙手中荷把隔年杯

危坐中宵意氣雄霜天遙聽叫征鴻蹕瀾展步嗟無

醉鷹摩空欲待風不覺高談驚座客還分美酒勸

鄰翁兒童未解新年感喜報紗窻日影紅

陽湖錢樹屏詩集

戊子

四十四款六十韻

四十而無聞古人以深乳少氣信義時此德

或後藉說於... 今人謂我... 詩...

令我汗... 大...

...

陽湖錢氏家集

卷二 九峰閣詩集卷一

十七



...

...

...

...

...

陽湖錢氏家集卷二

九峯閣詩集卷二

陽湖錢嚮杲鶴峯

戊子早對

四十而無聞

古人所深恥

少年曾幾時

恍惚醉夢裏

令我汗流背

踟躕魂欲死

憶昔未弱冠

慷慨志萬里

着鞭慕祖生

磨鐵學桑氏

自謂年尚富

前程去靡已

有志但自持

無人不堪企

懷彼古名臣

旁搜傳與紀

希彼古名儒

格言滿案几

毀我不求諒

譽我不加喜

幼學期壯行

端居但靜俟

所嗟抱苦心

落落寡知己

憂來無與言

衆口任臧否

鬱鬱致肝疾

獨立不足恃

志願百無成

歲月去如矢

四度游長安

金盡蘇季子

卿相皆早貴

不能附驥尾

歸歎閉柴關

隨意翻書史

著書學未充

上書說莫理

奮飛天路遙

翹首空拊髀

去世苦已多

虛生殊可鄙

投筆向何方

出門無長技

有爲貴及時

人生瞬息耳

少年忽未覺

奈何已強仕

陽湖錢氏家集

卷三

九峯閣詩集卷二

一

萬木乘春榮。病樹仍如此。千帆快風疾。沉舟莫爲起。
終日鎖愁眉。不能道所以。回首廿年間。顛倒無與比。
父兄相繼亡。心神無甯晷。所幸登賢書。天台分桂蕊。
所喜生三男。長男質頗美。而我畜壯懷。殊覺不自揆。
希文志天下。班超負奇士。謂此廿年間。青雲路在邈。
豈期困草莽。徒慨增馬齒。知我者何人。巍巍耀朱紫。
惜我者何人。營營競朝市。我哭被人笑。我歌被人訾。
溫飽非所求。富貴等敝屣。惟此歲云邁。難挽東流水。
鬢髮日益稀。強自振委靡。頭暈或不支。眼花難久視。

陽湖錢氏家集

卷三

九峰閣詩集卷一

二

閒居寂無爲。徬徨復從倚。擧筆論治安。連篇不能止。
狂瀾已云潰。挽回病才菲。又况居天下。知音曾有几。
茫茫望八荒。何以免怨誅。我年非買生。憔悴宜倍甚。
我遭非屈平。鬱塞頗相似。拔劍碎唾壺。坐歎流光駛。
古人於四子。道明從此始。嗟我無寸長。日月忽逝矣。
求老衰已形。無能窺所指。平昔志千秋。到此仍故紙。
無病豈自呻。有懷伊胡底。開軒寫我憂。歷歷青山峙。
長嘯呼山靈。願借飛雲履。汗漫九垓上。不復問成敗。

嗟予幾度客燕山。愁見風沙日色殷。君過燕山還問
里。獨看胡月出邊關。琴卷九蘇山鼓浪建中國前城
番漢子今慶止戈。此行不復慮風波。西人若問中華
事。爲道班生志未磨。自然粵地錄裡人大熱氣散
詠九峯閣八景湖學報集御許洞出報云景蕭齊
亂山晴翠

我居閣中無好友。每對青山開笑口。山入春來天地
青。閣中面面開窗櫺。人來滿座山光綠。雨過四簷雲
氣腥。我欲乘風遊八極。爲愛青山別不得。閣外青山

陽湖錢氏家集

卷三

九峰閣詩集卷一

三

何時始我來。建閣山靈喜。山靈助我飲。百杯煙霧捲。
盡屏風。開我願。出山乘雲去。還山乘雲回。腳底不着
人間埃。山靈與我終始相。追陪笑口山人春。來天

古塔殘陽

城東峩峩一古塔。鷹隼構巢野花匝。此塔云是蕭齊
成。鐵鈴夜作兵戈聲。自從粵賊縱野火。火燒塔頂天
門驚。至今赤身立雲表。覆榭飛楹都已杳。危梯百丈
斷青雲。細徑一條塞翠篠。依稀仙梵寒雲中。四角無
復鈴吟風。廢興空抱千秋恨。斜照依然六代紅。

長風駕帆過我前。瞬息渺入蒼蒼烟。西風纔罷東風起。終朝絡繹長河邊。高者十丈低數尺。飛來直截搏風翩。舟人坦腹卧帆脚。笑煞鄰舟怨風逆。我思王濬樓船下。益州風利一去不得收。又思宗慤小兒喜破浪。壯懷萬里干雲上。獨我從容杯酒閒。笑看帆影開心顏。試問舟中客何如。閣中之人樂且閒。噫嘻乎何如閣中之人樂且閒。

陽湖錢氏家集

卷三

九峰閣詩集卷一 一四

野寺遙遙野水濶。鐘聲搖天響不歇。早起驚開樹杪雲。夜來催出峰頭月。一聲大吼清一心。遠山近水青沉沉。浩如長龍入雲去。鳴猶在空中。吟餘音鏗然。如怨如慕。微風動林驚鴉。失樹朝朝吟。此覺我尊前。看不界紅塵。紅安能喚盡。長安客來聽。空山半夜鐘。

風瀾春溪浴鷺

春水浮空清且澈。草際飛來一絲雪。有時閒傍溪邊行。有時瞥向波間滅。波闕滅浴逾潔。江田萬頃虛無。人瘦影亭亭出。復沒豈無啣尾鴉。塗天作墨聲伊啞。

亦有綠頭鴨。翻波踏浪溪邊狎。鷺分羞與羣。小
窺碧水飛青雲。日啣纖鱗鱗數寸。不與雞鶩爭紛紜。
君不見。縱山千歲鶴。高唳九霄何逸樂。又不見。今日
溪頭鷺。與物無競安。其素野雀中。彈豈無故偷啄。場
粟適自謀。鷺飛去兮甯肯入前途。慮有網羅布。

秋浦歸鴉

山光凝紫斜陽匿。天邊陣陣歸鴉黑。後者零星前者
呼。青天無雲忽變色。慈鴉慈鴉童有謠。拍手互歌歌
聲聳。田家種麥猶未晚。青靑萬頃連亭臬。朝向東南

陽湖錢氏家集

卷三

九峰閣詩集卷一

五

來暮向西北去來也。何所爲去也。何處住。啞啞結隊
高。遇天春往秋來不計年。但看江頭紅葉樹。逐年老
向夕陽邊。誤却童冠。因落鴉驚。鴉到可批。飯種麥。晚了

菱塘釣月

月

菱塘數頃波。近白。菱葉菱花香引客。漁舟歛乃靜中

聽。搖被灘前。照天碧。月出溪山水更明。溪魚躍出時

有聲。漁人乘月不肯息。東家垂釣西。椰鳴。我性不嗜

飲。頗好招酒友。大呼買魚魚出波。潑潑纔入漁人手。

呼兒烹魚魚正鮮。舉杯邀月月滿筵。四筵酒酣歌嘯

之聲徹九天白雲過空我欲留住雲中仙
三夏茅舍炊烟
青山綠野畫一幅炊烟縷縷起茅屋林塘日出曛晴
空村舍雨餘出修竹吳中五月正插秧一日九頓餐
黃漿蒸藜炊黍火不絕家家饁婦田頭忙野樹陰陰
叫布穀四村炊煙斷還續旁人不識田家苦但愛新
秧一片綠我登高閣閣四時田家苦樂常見之每望
炊烟朝暮臉茅茨想見田家胼手胝足無休期

朱曆二月十六日往錫山

陽湖錢氏家集

卷三

九峰閣詩集卷一

六

柔櫓中流緩濃雲四野陰草痕春尚淺山色暗逾深
市遠先瞻屋溪寒半覆衾今宵月猶滿早泊綠楊渾
野岸迢迢澗壑場一帶新著風帆有勢過雨路逢人
詩酒舟中客溪橋畫裏春九龍山色好拾翠卜清晨
黃梁舟夜有感

春寒連日雨昨夜忽聞霽皎月懸中天萬里皓無際
花柳俱有神烟雲倏已逝意謂春旣晴韶光益明麗
三更猶倚欄清露濕衣袂今日買輕舟云欲惠山詣
曉色疑未來窻戶沉沉閉隔窗間陰晴雲霧依然滯

營燕悄無聲。殘梅墮盈砌。低徊眩睛光。欲爲遠行計。
午後上行舟。催解溪頭繫。遠山望沉沉。近水流細細。
搖搖十餘里。風軟阻帆勢。泊舟待明月。月終被蒙翳。
昨當三五夜。晚晴喜不置。今夕又何夕。其樂不能繼。
春光不常留。專苦陰風厲。明月不常圓。專被陰雲蔽。
天時與人事。胡爲多乖戾。兒年十三四。未爲閒愁泥。
踴躍眺遠山。慙慙指螺髻。自想四十年。所遭寡稱意。
呼兒語所恨。不解憂身世。秉燭坐中宵。撫几傷侘傺。

過洛社

陽湖錢氏家集

卷三 九峰閣詩集卷一七

解維初聽五更雞。擁被酣眠月已西。夢醒不知紅日
上。滿窗水影入梁溪。
晴雲片片碧山來。風暖篷窗四面開。流水聲中聞笑
語。村童半是賣花回。

舟中即景

兩岸垂楊一棹來。東風吹水浪花開。天公做出清明
景。驛路陰晴日幾回。

將抵惠山遇道風

日午閒看野草花。炊烟縷縷起山家。東風莫與行舟

難只試泉亭一碗茶。

雨中望惠山歌

昨日登山僅至半。今朝卻擬登其巔。舟中卧聽一夜雨。但聞萬壑鳴風泉。曉起推窗望山色。九峯峯峯皆雲煙。宛如神龍昂頭吞。且吐倒捲湖水騰。青天又如軍中驟。增百萬竈炊烟。直與長空連。我聞雲來山態活。此態變化奇絕誰能傳。天下名山大川我僅歷。一。二。今見山靈獻技喜欲顛。我將梯翼造其極。惟恐上。有天神呵我前。又恐被雲捲去失足落空際。四方茫茫墮人無。何有之邊終日望。山山之真面不可見。皇天陰雨何連綿。且閉蓬窗枕書臥。夢隨雲去飛翩翩。

李忠定公祠

花石綱成寇氛作。壽嶽禽聲變。風鶴少帝倉。皇下殿。行相臣惶恐。將地削。維公義憤干雲霄。手挽車駕排。同僚老种主守公。主戰京城百丈誰能搖。公家何物名邦彥。彼哉主謀公。被譴陳東上書徒殺身。父子重昏天地變。朕欲相卿卿勿辭。趙構似有中興機。張老憤憤起而問。七十日內何所施。公之浩氣壓山嶽。公。

陽湖錢氏家集

卷三

九峰閣詩集卷一

八

之精誠雲漢倬天不佑宋何與公宇宙綱常扶卓卓
邦昌監子魄已褫手疏十事何淋漓扶危更有于忠
肅萬古山頭並建祠

于忠肅公祠

山移星變六軍失胡塵暗天不見日于公建言斬徐
瑄敢云南遷必呵叱列陣九門門大開于公督戰如
霆雷叛閹既誅也先懼上皇乃得從容回徐瑄小兒
慚且憤奪門要功弄唇吻于公一死關安危中朝無
人九邊警吁嗟乎丈夫擔當天不違顧身顧身天許

陽湖錢氏家集

卷三

九峰閣詩集卷二

一九

將沉淪恐犯嫌疑徒逡巡安得赫然萬古尊爲神噫
吁嘻安得赫然萬古尊爲神

高忠憲公祠

星代哲翁容回斜海小泉

先生諤諤遭謫遷翩然林居卅十年程朱正學得所
傳名山終老何尤焉天啟尺位圖苟延瑞兒媪媳均
乘權先生白髮已盈顛胡爲出山投沸煎舉朝乾兒
爭慕羶楊左擊奸張空拳緹騎如虎來聯翩黨碑先
把先生鑄是時逆儀真薰天龍比酒血丹墀鮮先生
聞之殊坦然手書遺表宵燈前池水一泓清且漣下

從屈平湘江邊諸公慘死殊可憐愁雲結空蓋幽燕
先生不辱體獲全從容赴義無倚偏前爭三案後忠
賢凜然大節光簡編諸奸殛死鬱始宣先生含笑在
重泉我瞻祠宇山之巔九峯屹屹泉涓涓松風水月
臨清淵先生之靈長回旋高顧千秋永此肩我過東
林殊流連

惠山曉發

春雨初晴山態新
泉流汨汨石粼粼
舟行卻笑山多事
纔逐遊人又送人

陽湖錢氏家集

卷三

九峰閣詩集卷一

十一

計時已覺清明近
花柳東風日日催
一棹還家休更緩
碧桃無數待予開

二月晦日有竊入書室盡捲案頭書籍而去自著
史評若干卷與焉因作此自歎

昔我愛讀船山詩
自言遇賊頗不俗
搜羅書畫一夕空
其餘不取絲與粟
我家書室居園林
春夜沉沉春樹綠
短垣花覆悄無聲
忽有偷兒穿我屋
豔我架上書
最饒窺我夜深初罷讀
左圖右史雜不分
顛倒縱橫歸一束
中有自著數萬言
片紙不遺何太酷
呼人

四出紛招尋。茫茫何地追芳躅。嗟我窮居數十年。惟
與羣書相往復。胡爲未投班超筆。翻欲先空郝隆腹。
懼我詞鋒觸時忌。何妨勸我藏書籠。抑或所論愜其
心。亦當把臂談衷曲。奈何傾囊倒篋捲。而懷累我頻
年案。空伏著述仍無半。卷留鑽研徒悔千。毫禿丈夫
身未立。歎名便垂空文據。蘊蓄一朝攫去兩無成。悲
來那免窮途哭。君今偏盜風雅名。不偷他物偷卷軸。
取未傷廉與傷惠。亡書令我益窮蹙。船山先生慨且
慷。招賊痛飲設醴醪。我今怪君太不情。奪我所好計
何毒。或者古人借書須一紙。君吝一紙甯自辱。書可
借兮亦可還。善戲非虐何嫌黷。我亦爲君備斗酒。君
果來兮勿慚亟。

陽湖錢氏家集

卷三

九峰閣詩集卷二十一

良未桃花始開夜。聞風雨甚惡感而賦此。爾來此
我種碧桃十數株。枝頭爛熳花始舒。欣然擬爲十日
宴。呼兒洒掃清階除。朔風怒號陰雲黑。夜來猛雨更
相激。宛如精兵百萬戰。昆陽弱質嬌姿那能敵。龍吟
虎吼屋宇搖。大聲撼樹如飛濤。芳魂飄落救不得。銜
惶秉燭傷中宵。世間萬物不可多。愛惜愛惜方濃速。

北重裘壓鞍馬。李公本是甘陳徒。白髮出關賊強胡。
老誓開疆報天子。手持鞭策鞭夷奴。唐生恥在班。
超下身。佐戎旆。工繕寫。草檄宵驅瀚海濤。荷戈晝鬪。
羌胡野。古來將相未遇皆風塵。丈夫乘時須建勳。我。
壯君行偉君志。拔劍不看青山雲。

放歌行

放歌欲使胸懷開。愈歌愈鬱詩成堆。疑我中腸暗遁。
星宿海。滾滾不盡從天來。又如天久陰雲氣騰。喬嶽。
長風吹空行。絡繹斷復續。天生我才無所用。以詩傳。

陽湖錢氏家集

卷三

九峰閣詩集卷一

十三

我殊不佞。詩耶我耶。了不分。歌耶哭耶。不知何所云。
身居愁城。堅若鐵。攻之不破。徒紛紛。大風拔木。屋瓦。
震天。若爲我。抒夙恨。抽劍四顧。路不通。白日無精。催。
短鬢。君不見。陶元亮。道與時乖。怨淪喪。田園之詩。皆。
違心。讀者不知。號開放。君不見。阮籍詠懷。八十篇。運。
遭叔世。多憂煎。知者無人。放聲哭。羣兒目笑。誣狂顛。

二月晦日所失書籍於四月既望踪跡得之喜

而復賦一章

天公厭我喜閉藏。日晷萬言盈巾箱。上溯威烈下崇

禎直筆評論窮毫芒梁上君子天所使爲我負之走
四方黃鶴一去痛不返尋書累月心悲傷那知造化
等兒戲破我鄙吝慰我望飄然暫辭主人去趙璧潛
歸無所妨故人知我索書急好音一紙投我旁示我
一卷辨良是贖之索價超尋常儼然乍登龍門同聲
價十倍不易償青萍結綠遇薛卡一經品題低者昂
知之無人類瓦礫求之便若珍圭璋旁人爲我相慶
幸勸我無惜錢傾囊攜歸書室加拂拭珠還合浦增
輝光嗟我閉門莫過問獻璞無路能徬徨不如爾書

陽湖錢氏家集

卷三

九峰閣詩集卷一

一

不脛走道逢識者無拋荒彼何人斯蘇季子歸家終
夜摩縹緗去挾陰符說當世黃金白璧爭輝煌我守
爾書百無效窮年兀兀殊慚惶一去翻累傾囊贖千
金敝帚空張皇書乎書乎安得與爾登廟堂抵掌華
屋下君玉舉此二十四十七年事陳之請聖聽歡
闕張取彼相印償我勞爾亦吐氣輝雲章隨人飛去
究無益不如伴我待時歌明良

四代黃賦一法蘇不致梓書果且必激謝取眼也外

陽湖錢氏家集卷四

九峯閣詩集卷三

陽湖錢鶴皋鶴岑
鵬林一峯
顧亭午
戊子
讀陶淵明詩
風樹關
堅
自世
翰
香
鑑
善
敦謂陶公宦情薄一去卅年背林壑白日西淪無地
容歸來強話田園樂心輕五斗不折腰揮杯勸影猶
牢騷若非鄉里小兒尙不返門前五柳空飄搖古來
賢聖不忘世巢由長往焉知義陶公本是有心人錯

陽湖錢氏家集

卷四

九峯閣詩集卷三

一

認詩詞想高詣讀公之詩笑公癡以酒排悶何所思
設使當年多稱意千秋那有陶公詩
空
應
寄
古
來

讀李昌谷詩

青衣小兒下玉宇石破天驚鍊奇語世人不知駭鬼
怪一線羊腸走蒼鼠獨闢畦徑祇自知解者議者究
誰主生既不壽死亦冤蹋天喝月氣難吐賦罷仍爲
天上仙詩成半作濁中土應悔一字一嘔心千載玉
樓泣秋雨
詩集卷三

李賀之詩能殺人奇麗刻骨損我神作詩聊以寫情
性奈何雕刻無一純語不驚人
不願活詩成鬼哭愁
暮雲天帝憫彼琢磨苦
召遣太虛完其真
李杜奇光
發萬丈
豈必險僻方稱新
寄語後生勿好怪
雕鏤造
化徒放身

傷荆軻

荆卿術固疏氣亦未爲足
手把秦王如縛雞那容絕
袖勞馳逐繞柱環走竟脫身
荆卿氣挫先逡巡不然
劍俠善飛走風馳電掃無驚塵
未堪秦王胸先禡秦

陽湖錢氏家集

卷四

九峰閣詩集卷二

二

王魄秦王魄奪走不得區區藥囊敢追撲
田光自殺
激荆卿蓋聶勾踐相讖評荆卿讀書未養氣
臨行待
客知無成君不見樊噲瞋目項羽撓項羽一吼嬰煩
逃氣盛賁育盡披靡豈容拔劍生迴颺
燕丹太子太
兒戲那遣小兒作副使副使色變勢益孤
更使會皇
不成事吁嗟乎借頭報仇頭已來必欲生刼胡爲哉
壯士一謀志不遂易水秋風萬古哀

七夕

玉宇初秋千里碧
瓜果盈庭新月白
人間爭助雙星

歡謂此良宵當愛惜我謂雙星未借老年年並無離
恨積請看人間夫婦滿百年計日三萬六千駒過隙
牛女一歲一相逢洪荒至今不知幾百萬千之七夕
彼耕此織不老亦不死天漢何妨暫相隔而况人間
一歲天上只須臾離少會多在咫尺世人意見同蟪
蛄妄替雙星怨岑寂青天漫漫與終始豈慮形單與
影隻山妻歸我二十載漸形老醜今非昔牽牛織女
仍少年萬古往來無變易惟有雙星是主人世間男
女皆過客呼妻莫替雙星愁洗盞高歌其瑤席

陽湖錢氏家集

卷四

九峰閣詩集卷二

三

坐小亭偶成

亭坐萬花中風掠重簷上不覺有風來但聞天籟響
秋柳掃池臺秋花礙簷宇兀坐悄無言幽鳥代人語
庭院寂無聲雜花滿秋樹野鳥偷入園見人驚飛去
立秋纔數夕梧葉聲已乾命啟篋中被風多知夜寒
涼螢日漸少蟋蟀日漸多徘徊月中步秋影搖庭柯

野步

曖曖青山邊炊烟起茅屋不知誰家村笑聞溪頭牧

青苗秋已長耘者互交錯相驚日漸短殘陽下墟落

月夜

門前一溪水月光自搖漾夜涼人益稀時聽棹謳唱
我性不諧俗落落寡吾友笑罵了不顧挺然堅所守
造化喜從同欺我孤無耦任意相播弄顯我狀奇醜
魄然頤頰間一物生日厚厥形類鷄卵其中知何有
有藥不能化有刃不敢剖今日還可容久將大於斗
憎時反見憎市兒笑吾後我身本贅疣斯疾自應受

陽湖錢氏家集

卷四

九峰閣詩集卷三

四

况乎天地間遇奇每邂逅豈以志胞與鬼物作淵藪
萬怪入包羅以我善含垢抑或惜我愚慷慨談抱負
兩肩無鉅任負之可趨走問天天不嚮臨風空搔首
面目強吾變吾心能變否覽鏡徒歎咤任天將誰咎
自疾

非烟非霧費疑猜幾度摩挲不可開辜負窗前好明
月累他夜夜入簾來

時雨行

秋陽燥烈秋天高數月不雨田禾焦隔縣飛蝗已蔽

野踏車晝夜聲煩勞昨夜風雷撼林木四野淋浪雨
大足農人入市盈酒家放腳高談年歲熟不然入城
報荒官不磨今年租稅空無憑麥秋旣歉苗就槁催
糧里正方鳴鉦台 詩 地 與 音 其 句 未 斷 平 細
巖生工書都下聞蓬萊擬冠仙人羣子康囊書走萬
里一錢歸家不浪使我與兩君趨殊途出山入山守
眞吾孺然不樂長安居當筵斥彼名利徒兩君翩翩
各有志謂我介然成底事十年作客走囂塵誰料崇

陽湖錢氏家集

卷四

九峰閣詩集卷三
五

朝竟長逝兩君先後歸故鄉未及握手談中腸一身
徒遂首邱願回頭萬事皆茫茫兩君之年方壯歲兩
君之才輒一第愁雲壓斷北邙山應有冤魂哭天際
我與兩君殊胸襟兩君與我情頗深巖蓀知我爲我
雪誣謗或有以流言誣我者巖蓀力辨其謬子康知我惜我多雄心

遍行天下歎寡合兩君旣死誰知音我吟未罷不勝

慟兩君有知以歌送蕭蕭落葉吹悲風夜來怕作京

華夢

十餘年間兩君皆事遠遊惟
赴禮部試于京邸一敘而已

平茲稟不為人歎

病眼歌讀 製 和 齊 風 雷 撼 木 四 野 淋 浪 雨

我年四十尺柄無彌天壯志不得舒惟此雙眼如明珠
晝勤著述宵觀書邇來目病已逾月雲霧漫空不可
撻坐背燈火只低頭行扶兒肩防誤蹶安得摩天
巨手摩雙瞳豁除翳障光熊熊上與二十八宿相輝
映坐照三十年事慙慙羅心胸又聞嫦娥善搗藥玉
兔一雙任操作我欲飛天夜敲蟾宮門奪取一丸療
吾瞶不然目盲心不盲此生疾廢誠可傷世無韓公
大手筆誰代張籍伸幽光上書當事吐奇氣閉目坐
論公卿旁

陽湖錢氏家集

卷四

九峰閣詩集卷二

六

詩聽雨誌感

草堂多青草。時光已仲秋。置榻北窗下。拍面蚊成毳。
蚊多緣作雨。黯黯層雲浮。邇來兩三月。苦旱農家憂。
苗黃半已死。荒草盈田疇。溝澮已云竭。坐視空淚流。
近河十僅四。厚水無時休。筋力已疲敝。未敢視車籌。
報荒官不準。官計一何周。明歲可倍徵。官恐不久留。
與其肥後任。不如逞誅求。悲哉天道遠。惡知人民愁。
豈無蠲租詔。租稅官早收。蒙蔽不可破。呼籲將誰投。
賢哉漢宣帝。民病知其由。是時多循良。恩澤被遐陬。

今之從政者。誰爲民社謀。身受民之養。反以民爲讎。
彼蒼固仁愛。忍使民填溝。吟罷雨大作。灑瓦聲颼颼。
嗟我久病目。聞此豁雙眸。憂國願年豐。意同杜陵叟。
饑而不爲害。庶免窮民流。崇禎一月至平。改日題。

雙鵝

摩挲病眼讀書艱。又乏良朋來叩關。惟有簷前一雙
鵝。朝朝爲我破愁顏。

詠懷十首

四十無可待。依然一腐儒。有書不能讀。病眼常模糊。

陽湖錢氏家集

卷四

九峰閣詩集卷三

七

有友不能訪。兀守城東隅。侈口談著述。自顧漸空疏。
攬轡望八荒。擾擾誰吾徒。進退靡所據。時命傷何如。

其二

四十無可待。去日苦已多。少年志公輔。鐵視空消磨。
當路衰充耳。上書其如何。坐讀屈賈傳。展卷淚滂沱。
云有濟時略。誰其假斧柯。斧柯一旦至。年力已蹉跎。

其三

四十無可待。時事益艱危。南報黃河決。北憂霖雨災。
東方又苦旱。道路皆瘡痍。天地示災變。人民日流離。

不聞痛哭疏。灑涕陳丹墀。聖主本仁愛。羣臣皆
荒嬉。民財分當取。民腹分當飢。滔滔者天下。徒手將
何爲。

其四

四十無可待。白髮將盈顛。夜舞劉琨劍。朝揮祖逖鞭。
舞劍空自奮。揮鞭不能前。巖廊不可達。天子方
求賢。賢達滿要津。誰能致蕩平。白日去不返。黃河來
無邊。盪胸胸不舒。百慮空憂煎。

其五

陽湖錢氏家集

卷四

九峰閣詩集卷二

八

四十無可待。所嗟知音難。江左仰殷浩。東山懷謝安。
古人負時望。皆在韋布間。嗟我獨無聞。顧影慚儒冠。
差類孤生竹。敢云空谷蘭。山輝知蘊玉。我苦非瓊璫。
沒世名不稱。孔子竊憂歎。此身不能拔。塵海傷漫漫。

其六

四十無可待。狂言每失倫。古者詩貴婉。激直非風人。
所嗟志不遂。虛度數十春。身軀漸衰老。世路益荆榛。
鞞非被讒構。孤憤氣必伸。賈生被排擯。太息書直陳。
所遭各有異。婉激率其真。我詩日益富。我家日益貧。

我曲傷寡和。我身歎不辰。登高覽天象。天變甯無因。
其七

四十無可待。我欲遊四方。家無二頃田。何以資餼糧。
人無一知我。何以談中腸。出門四顧瞻。立馬空旁皇。
偉哉七尺軀。終老蓬門旁。生我天何爲。淚下沾衣裳。

其八

四十無可待。蒲柳先驚秋。心情殊寡歡。不復夢瀛洲。
瀛洲豈不邇。神仙不可求。少小懷壯志。倏忽將白頭。
翩翩誰家子。衣錦遊皇州。落落一代士。臥守壑與邱。

陽湖錢氏家集

卷四

九峰閣詩集卷三

九

理數不可測。長歎撫吳鉤。

其九

四十無可待。鑑古心悲哀。孔孟老於行。世運不可回。
賢董志復古。未獲展其才。太公號晚遇。王業西岐恢。
范增年七十。雄畧諸侯推。或者位將相。或者長蒿萊。
窮達各有命。遲早費疑猜。少壯一無爲。豈期老已來。
雄心不可遏。仗劍登高臺。

其十

四十無可待。浩歌歌益哀。衆人畏麒麟。翻復喜鴛鴦。

騏驥不可制。駑駘聽指揮。緘默宜富貴。慷慨招疑猜。
慷慨足任事。緘默胡爲哉。淮陰袴下起。諸葛隆中來。
自古有聖主。必須求雄才。吾何爲不豫。天心自主裁。

凶年譏

蘇恩致玉簡食墨弄指合

禾苗槁死三農瘁。買穀輸官穀更貴。問農胡爲不報
荒。農云懼出報荒費。報荒之費須幾何。一畝無幾十
畝多。年來穀賤錢不見。費少先招胥吏呵。明年田野
稍豐熟。逐畝倍徵粟溢斛。緩卻目前累更深。年豐仍
是吞聲哭。不如忍死且輸租。來歲秋成賸餘穀。吁嗟

陽湖錢氏家集

卷四

九峰閣詩集卷三

十

乎歲飢田家例報荒。報荒之奏登朝堂。天子初
無倍徵意。縣官藉此充私囊。方今弊政紛紛舉。長吏
耽耽猛如虎。萬事皆分耕者肥。一人不道耕者苦。君
不見漢當文景朝。大蠲租稅流恩膏。我君屢下蠲
租詔。恩逮官吏民難明。生今之世民不幸。從政殆而
孰知警。穆然遐想雍正間。貪墨畏誅各自省。

月古八月十五夜遇雨

水野前流小

歷度中秋四十回。年年望月逸情來。今宵知我雙眸
病。天上陰雲也倦開。

八月既望擬往遊西湖因目疾不果作此示大
兒振鐙

自古奇人皆好奇奇境必與奇人宜我與西湖不相
識西湖與我心相知八月秋高逸興起擬下餘杭六
百里片帆高掛去尋詩覽盡浙西好山水那知行止
不由人雙眸一病逾六旬夢魂栩栩飛不到六橋三
竺皆空論自古英雄半在西湖側不到西湖詩寡亾
頻年喜覽西湖圖半生未作西湖客安得壯士挽取
錢塘潮淨洗雙眼瞻青霄矚著王喬舄飛上西泠橋
陽湖錢氏家集

卷四

九峰閣詩集卷三

十一

乘此西湖好風月携兒朝暮長逍遙

傷孤兒

族中有孤兒者名益生年僅九歲勤敏能讀
性亦端厚一日患病竟不起賦此傷之

孤兒方九歲父死三載餘借錢作束脩頗知勤讀書
不敢飽而嬉念母勞且劬母貧無可守望兒光門閭
兒病母憂戚兒愈母歡娛母織兒伴讀母耕兒荷鋤
母刈兒負薪母炊兒摘蔬母慈兒知孝鄰里皆稱譽
吁言慰兒母兒敏非凡愚一兒能成立萬苦皆安舒

豈知天道遠孤寡不相扶天寒北風厲兒衣敝無裾
晨起隨鄰子臨溪戲捕魚赤足涉秋水水氣涼侵膚
兒兮忽不見兒母尋通衢兒畏母嗔責不敢歸其廬
歸爲二豎祟病已膏肓居母顏日慘沮母心日躊躇
醫葯苦無資祈禱皆虛無兒言母勿慮明日飯兩盂
何期語未畢氣絕難復蘇兒年僅如此兒母哭嗚嗚
不聞兒喚母蔓草埋荒墟八月秋氣高落木悲風噓
哭聲振原野道路皆嗟吁我爲語兒母傷哉命已夫
人既無可怨天亦無可呼天道果有知不使孤兒孤

陽湖錢氏家集

卷四

九峰閣詩集卷三

十一

天心果仁愛忍使孤兒殂母言兒祖父長厚無罪辜
揆理宜有後不應夭其雛是兒頗聰慧性亦非暴粗
撫養宜有成不應廢半途斯理我難答不覺淚如珠
樂者樂復樂一門富貴俱苦者苦復苦無兒復無夫
苦樂渺不問廓然指太虛彭殤爲一致苦樂皆須與
莊生善達觀所以解憂虞

歎天歌

人間殃祥說天理天實無心夢夢耳大風吹破長安
門何若暴雷擊莽死免他周公代孺子天下騷然四

夷起謂滅至仁天不仁七國胡爲專帝秦橫屠蒼生
八百萬三十六郡虛無人不助壯士誅其身七首椎
筑空紛紛前六朝後五季秦漢以來千百世此當興
彼當廢暗中一舉天下安了卻紛爭許多事何爲坐
縱全無權不賞不罰倒且顛惡者侈然善者苦人閒
還說蒼蒼天我語世人各自奮皇天高高莫仰問君
不見屈平問天空奴奴湘水至今猶抱恨

中興詠史

范增七十性陰鷲助并諸侯肆吞噬暴秦之後強楚

陽湖錢氏家集

卷四

九峰閣詩集卷二

三

來萬民塗炭無生氣無生氣天不容不見秦政雄關
中轉瞬諸侯起山東鴻門一會等兒戲玉斗撞碎成
何功屠咸陽弑義帝七十二戰無完地未聞范增一
言諫勸殺漢王豈上計漢王旣死甯無人項羽烏足
爲人君從來天下皆歸仁三章約法先安民張良不
愧王者佐范增憤死何足云

其二

六博分王幸秦魏以來千百世此當興

野雉上殿妖禍起啄盡王孫帝怖死是時秉國伊何
人周勃陳平但唯唯王陵守正邊婦人廷爭而折真

大臣平勃畏呂如畏虎空言自飾何足云幸而諸臣
非操莽誅之易易如反掌奸雄攬權后不死平勃抱
頭歸何黨偉哉惟有朱盧侯當筵飛斬呂氏頭陳平
驚死周勃羞漢家再造功誰優

戒詩

詩人每說戒詩難。我爲吟詩寐不安。纔欲戒詩詩又
起。滿窗松影月中看。

有約

十里清溪水。君來路不迷。我家深樹裡。終日鶉鳩啼。

陽湖錢氏家集

卷四

九峰閣詩集卷三

高

罷市謠

郡城九月初一日因四門創設捐釐局遂
致罷市

驚塵撲空途。路塞人聲洶。洶兵吏匿千門。萬戶堅不
開。愁雲壓城天變色。借問罷市果爲誰。市人未語先
淚垂。郡城境內多釐局。商舟一日捐數回。今秋局官
創新法。周視四門扼隘狹。囊中微物必抽釐。大者數
百小數十。人民疫死天旱災。田疇萬頃皆蒿萊。閭閻
生路條條絕。官吏新章疊疊開。且聞上官並無意。局
官私來剝民利。客商聞風不敢至。物價騰貴民何計。

縣官詞吏呼開門。示告絡繹皆空文。開門閉門均餓

死膏血已盡何所云我聞斯言淚如雨方今水旱遍
寰宇民爲邦本豈不聞奈何耿耿更如虎寄語官吏
免叫囂稍留元氣答 聖朝民貧官富禍之招請君
聽我能市糴

有鳴畜之數十日不忍殺一夕爲野獸攫去賦

此自笑

畜老便憚殺人同此心我雖號老鑿戕物每沉吟
百錢買得綠頭鴨愛他拍拍溪邊狎庖人請宰屢不
鷹留待嘉賓相款洽何物妖獸窺肥鮮見我不殺私
陽湖錢氏家集 卷四 九峰閣詩集卷二
垂涎夜深月黑攫之去空遺毛羽飛翩翩仰天浩歎
徒自咎愛之不復加防守我性雖仁仁在近愚乃知有
物伺吾後獸雖伺吾廉未傷待我數月始飽嘗用捕
萬物非我有百錢擲去何徬徨

重陽

重陽最好菊花天。眼病偏難辦醜妍。天意憐予貧更
甚。今年省費買花錢。

夜宿小園

鈴語四簷風。殘燈一點紅。夢回秋色裡。窻曉雨聲中。

天似殘夜。蕭蕭葉打門。蟲喧殘夜。月犬吠別家村。
老屋枕溪濱。蕭蕭葉打門。蟲喧殘夜。月犬吠別家村。
若見久晴得雨。綠柳嫩黃。金風爽。菜圃菊。菊叢。
乍得經宵雨。楓飄遍地紅。呼童鋤老圃。補植菊花叢。
雖自有黃鸝突入室中。爲家人所斃。僉謂前日之
竊。竊鳴者卽係此物。因作詩以嘲之。

蠢爾微物。胡爲來昨。日得志。乃禍胎。覬覦非分。不知
止寢皮食肉。誰爾哀。既有小鮮果。汝腹汝誠廉者。當
知足一之爲甚。詎可再天網恢恢。汝自觸筆工製筆。

陽湖錢氏家集

卷四

九峰閣詩集卷二

六

利爾毛細書。可以窮秋毫。象齒焚身古有戒。汝不自
秘災焉逃。昨謂汝廉。不汝責。今汝貪癡。何足惜。姑借
張湯磔鼠條。大警冥頑。各歛迹。

臨眺有感

此詩因非詩也

數月未登閣。溪山倏已變。稻熟村村收。木落峯峯見。
雲頭千點鴉。天際一行雁。兒驚柳葉黃。婦說菊花艷。
昔見青青苗。濃翠滿芳甸。今見寒菜畦。綠意經霜霰。
昔見草離離。溪光何澗澗。今見蘆花飛。寒潭潤如線。
天地怪無常。流光去如箭。夕陽纔西流。素月已東現。

老至不能卻吾身非百鍊往者徒多憂來者猶可諫
逍遙可永年何貴復何賤九州浩茫茫八駿烏能遍
行止貴量力前程任缺陷缺陷不可補頭顱雪成片
高哉李謫仙豪氣蓋羣彥但言秋興逸不作悲秋念
聊取目前景何物足眷戀

詩而聞孝廉張揚生墮馬而死作歌哀之

時孝廉慕
游山左年

甫三十也

張生當今終子雲生小頭角空其羣年纔弱冠奪標

返酒樓夜醉呵巡軍

君有與營兵
醉闌一案

我從長安識君而

陽湖錢氏家集

卷四

九峰閣詩集卷三

七

角逐名場君最健飄風急雨腕底來英思壯采毫端
現文成擲筆驚鬼神舉杯談笑皆天真蹴踏庸奴罵
時貴興來不顧俗眼瞋家貧橐筆走千里浩浩風沙
撲面起悲歌慣結燕趙兒請纓自命奇男子老親倚
閨少婦愁出門一去不回頭誓及青春取富貴屈身
草莽誰公侯豈知年命苦太窘櫪馬夜嘶少微隕四
蹄橫蹶壯士驚一身陡向窮途殞游戲人間三十年
醉騎天馬追飛仙鄧攸無子誠關命長吉多才合在

天卧龍躍馬皆黃土君長逝兮復何語所嗟中道棄

塵寰老親哭子少婦苦痛君慘死志未恢冤魂千古
沉烟埃泰山極天何巍巍招君魂兮魂不來願君化
作山頭虎萬里愁雲一嘯開

贈茂才成景濂

成君杜門不見客見客不言長鬢額問君壯歲方有
爲胡爲多憂不能釋成君聞之淚滂沱壯懷不遂可
若何縱橫天下三萬里行跡歷歷留山河少時頗負
四方志自謂埋頭非上計出門舉鞭別故鄉投筆請
纓吾輩事北至完水頭冰天雪海天爲愁南臨越南

陽湖錢氏家集

卷四

九峰閣詩集卷三

六

國瘴雨蠻烟顏變黑中間山海歷萬重朝航夜馬餐
西風身之所到百不遇飢驅往往悲途窮亦逢故鄉
友謂我不能變所守豈無津要人巍巍駟馬呼不聞
他人赫赫我憔悴世無知己將誰親黃沙連天走單
騎撫髀長歎時不利還家空敝蘇秦裘無地堪揮阮
籍淚歸來高臥家益貧出門羞復見鄉鄰八年轍跡
半天下翻悲坎壈纏其身我方待時恩大用閉戶讀
書頗自重華夷擾擾嗟無人欲挽狂瀾肯從衆聞君
之語悲且驚九州舉步多榛荆孔孟何人終寡合無

怪吾輩空周行居家慷慨談時務一入風塵何所遇
悲君抑塞亦自悲欲展壯心去無路噫嘻乎摩霄有
鶴兮隨波有鳧丈夫昂藏七尺軀下溷濁世將何圖
携君散髮江湖上明月清風伴釣魚

赤鯉行

清晨漁子攜赤鯉鱗鬣躍然方出水老母購之資池
沼卜我明年及第喜鯉乎鯉乎宜成龍曷不嘘雲噴
霧遊太空乃與凡鱗溷溪壑安能任爾變化驚雷風
我將縱爾大江渚洪濤滔天無所阻方今四海急待

陽湖錢氏家集

卷四

九峰閣詩集卷三

九

澤惟爾化龍作霖雨

其二

昨獲鯉魚長數尺投入清池池變赤水淺無波身不
容置臥泥沙深嘆惜鯉乎鯉乎何其愚東西江海南
太湖朝發夕至任飛躍誤投羅網胡爲乎甯與鯢鯨
爭洶湧蝦蟹雜居不自重吾聞盡莫智於龍爾愚或
者非龍種我將乘彼洪濤風登龍門兮觀真龍毋惜
區區被人笑謂我所好類葉公

大令程青佩自烟臺回宴於寄園卽以送別

何地遊行何地回。舉頭東指小蓬萊。一官不帶風塵色。知是神仙洞府來。
十年作客偶還家。又悵烟波別路賒。休羨故人閒閉戶。丈夫原合走天涯。
來歲金臺詔。又開片帆遙。逐海濤來請君觴。我蓬萊閣高瞰三山。醉一回。

送友人北行

蕭蕭風色已殘年。唱罷驪歌各黯然。遠客皆歸君獨出。一帆風雪到幽燕。

陽湖錢氏家集

卷四

九峰閣詩集卷三

三

見唐欽昭途中家書

已過重洋路。八千計程猶未到。冰天歸鴻卻恐書難附。不向荒寒黑水邊。

不寐

長夜不能寐。中心多所思。嚴霜催柝響。殘月逐窻移。壯歲愁中過。清神暗裏衰。年來歎遲暮。無夢到京師。

冬陰卽景

陰雲終日蔽。蕭颯漸殘年。木落無風夜。山沉欲雪天。孤鴻尋伴叫。寒犬傍人眠。破臘梅花早。清芬到酒邊。

平林題寄園讀書處

一白鶴寄園讀書處

幽絕讀書處塵襟到此降
園空鴉落地人靜鶴窺窗
幔卷延山月帆過數客艖
終年稀見友花裡暫紛曉
高閣瞻平野胸襟此豁然
霞烘千嶂麗天覆四溟圓
獨鶴遙飛浦歸鴉渺入烟
蒼茫懷萬里俯仰自流連
九峰閣望雪歌

朔風怒號夜半絕萬籟無聲
寒徹骨晨光射破琉璃窗
忽訝長空亂飛雪披裘登閣
觀九峯九峰盡沒寒

陽湖錢氏家集

卷四

九峰閣詩集卷三

三

雲中飢鴉叫樹飛不起千村
萬落皓皓無人踪天公憐我
端居了無味延我閣中看玉
戲頽垣破瓦一一化瑤琨貝
闕瓊樓絕奇異四野漫漫與
天接隨風撲窗亂重疊是時
滕六亦退聽任我指揮散作
落花與蝴蝶我建高閣臨溪
山一年一度惟此真歡顏蓬萊
方丈太寂寞我將招彼羣仙
來此間開筵賦詩騁才思詩
興雪花飛滿紙掃卻蕙蓮之
賦郢中歌清光大來差可喜
袁安高臥何無聊騎驢覓句
亦太勞何如

坐我高閣足四望乾坤一白歸
吟臺狂吟未已風漸

靜几視時飛鴉鵲影晴光一片天際來黯然現出九
峯頂九峯一色皆新粧。翩如姑射仙人下大荒雪膚
花貌素霓裳對我欲笑我益狂願携仙人入雲裡觀
彼大公之絕技山無雪兮容不奇我無雪兮興不起
舉杯大笑賀山靈山靈賀我新詩成天晴跨鶴遊太
清更願徧覽三千世界雪態何空明

雪晴

傍晚寒逾甚晴光放遠郊。雪消鴉啄麥風緊鵲支巢。
硯炙冰難解詩成手怕抄。歲闌藏美酒厨冷苦無肴。

陽湖錢氏家集

卷四

九峰閣詩集卷三

三

雪曉

一夜雪紛紛不知深幾許。萬樹悄無風但聽鴉聲苦。

陽湖錢氏家集卷五

九峯閣詩集卷四

陽湖錢鶴皋鶴岑

法已正 陽湖錢鶴皋

都中偶作

自別家園已數旬絲絲楊柳客中新春風也入燕山

道應識江南舊主人

下第作

擾擾名場二十年不成一事費憂煎從今喚醒盧生

陽湖錢氏家集

卷五 九峯閣詩集卷四

夢別策茅菴去學仙 一車始 夢別策茅菴去學仙

家書遠報碧桃開屈指東風卻已回辜負一春好烟

景此行又悔出山來

車馬喧喧鬧 禁城上林四月正聞鶯何如一笑還

山去閒聽江南布穀聲

去日梅花對我開歸時結子滿林隈此行不畏山靈

笑未著京華一點埃

航海南歸雜書所見

海舶雙輪疾若飛 重洋徧歷幸風微 問程倏過三干

里笑望南天起振衣。
浩浩乾坤眼界開。
風濤晝夜響如雷。
遙看一葉浮天際。
道是江南界已來。
樓閣迷離曉日紅。
舟行如入畫圖中。
可憐一片中華岸。
變作西洋鬼蜮宮。
解纜長行趁早潮。
曉涼蛙黽隔溪罍。
平畦一帶占豐歲。
布穀聲看麥苗。
菜子離離豆莢肥。
京華夢醒始知非。
多情感煞堤邊鳥。
一路清音喚我歸。

陽湖錢氏家集

卷五

九峰閣詩集卷四

二

乘風一棹疾於梭。
綠樹青山次第過。
萬里海洋驚已定。
好持杯酒聽農歌。
塔影千霄是虎邱。
前程十里卽蘇州。
沿溪桑柘聞吳語。
共道今年麥有秋。
浪軟風輕舟去遲。
青青麥隴照晴曦。
曉來歸夢匆匆醒。
但說還家爲課兒。
風沙憔悴一春天。
重覽湖山景色鮮。
歸去安排消夏處。
閒憑水檻看紅蓮。

忽驚風景已端陽。
一路青青簪葉香。
始信分中饒至

樂閉門一任醉蒲觴。
聽水聽風一日程。巨川如沸覺舟輕。波濤纔脫重洋
險。又作滔天大海聲。

無錫道中

一棹輕于葉欣然返故鄉。浪多溪水沸風正茗烟長。
樹密陰村舍帆高傲夕陽。家家爭打麥憑檻數山莊。
村舍無人見蠶桑。事未休菰蒲護淺水楊柳管虛舟。
帆影經灘速禽聲入夏幽。青山舊相識應笑玉京遊。
水急響淙淙開帷覽九峯溪深堤柳暗人少野花濃。
陽湖錢氏家集 卷五 九峰閣詩集卷四 三

三高祠

世間殺人名與利。一朝禍起向誰避。吳中那有三高
人。見幾飄然得自遂。前爲張。後爲陸。范伯扁舟更清
福。風波陡起方見高。去者逍遙留者感。君不見華亭
唳鶴上蔡鷹。到此回頭呼不鷹。

試劍石

山頭一片石。石稜剝落莓苔碧。古人試劍猶有痕。古
人職業已無跡。霸業無跡石可徵。劍鋒未挫劍氣騰。

江○上○之○灤○山○頭○石○英○靈○千○載○常○依○趙○公○之○精○誠○金○石
裂○仗○劍○入○吳○肝○膽○熱○父○仇○已○報○越○未○滅○負○爾○寶○劍○空
灑○血

園林
兒香齋

園林三月號繁華。大半春風屬我家。開徧羣芳三百
樹。逐株細數到松花。

舟夜

澤國蒼茫數點星。扁舟夜宿綠楊汀。月斜溪上樹陰
滿。布穀一聲殘夢醒。

陽湖錢氏家集

卷五

九峰閣詩集卷四

四

重九題壁

登高四望浩無涯。幾片晴雲幾點鴉。秋老閣中無別
景。稻花香後看蘆花。

園林三月號繁華。大半春風屬我家。開徧羣芳三百
樹。逐株細數到松花。

灑血

江○上○之○灤○山○頭○石○英○靈○千○載○常○依○趙○公○之○精○誠○金○石
裂○仗○劍○入○吳○肝○膽○熱○父○仇○已○報○越○未○滅○負○爾○寶○劍○空
灑○血

陽湖錢氏家集卷六

九峯閣詩集卷五

憶得當年甫六齡倉皇誤藥幾難醒誰知終被岐黃
害斷送吾兒終一星

習字方當總角時揮毫落紙便雄奇滿堂楹帖輕臺
閣專喜歐陽與魏碑

舉筆吟詩句不平偶然一字令人驚

陽湖錢氏家集 卷六 九峯閣詩集卷五

有怪雲同學疑怪 到頭或是子麟派無奈天公不贊
成 余嘗戲語長男振鐙謂杏兒詩將來似李于麟

潑墨淋漓喜畫龍烟雲變化顯神通雖然未見前人
稿偏會傳神想像中

一紙飄然畫入仙鬚眉滿瀆態踟躕前身本在仙人
籍寫出真神見夙緣

遺紙零星擗扇多亂塗山水勢嵯峨王維畫法雲林
筆淺淡深濃頗不訛

花卉圖成足動人一莖一葉見精神黃筌富貴徐熙

逸或者吾兒是後身

對弈猜拳慧絕倫兒來滿座倍歡欣於今兒輩紛紛

聚終痛當筵少一人

兒與昆仲及諸表兄猜拳對奕輒用其曹今觸景生情爲

之贖然

爲我鈔書字字新每觀遺墨益酸辛吾兒若得長隨

侍何慮他年老眼昏

伴我東遊一棹孤九龍山畔又姑蘇舟中笑語和風

水此境何年再得無

野塘日曉看紅蓮舉傘迎風影半偏

離家半里有荷池一畝兒昔曉

陽湖錢氏家集

卷六

九峰閣詩集卷五

每獨往觀玩

阡陌每經兒到處不堪步步記從前

瘦鶴當年傍敝廬題碑還佐汝兄書兒今騎鶴向何

處鶴塚青青沒野蕪

余園中畜雙鶴近年俱斃

音樂天然曾意靈淵淵擊鼓向園亭於今每奏元宵

樂變作哀音不忍聽

和玉臨捐意倍珍百般冀幸竟無因

兒歿於壬辰八月五日是日午

後余猶徘徊樹下冀是

人間至寶原難得在握終亡

怨煞人

一枝仙挂折西風樹影團團一角空天賜是兒天佑

一枝仙挂折西風樹影團團一角空天賜是兒天佑

我自家誤殺負天公

大聖又知身可殺

胎瘡由來時最久少陵無計爲驅魔兩旬臥病猶生

厭黃土千秋可奈何

兒素未久病及是胎瘡纏體病中每自恨

病中夢藕禁休貪畢竟沈疴禍半參菱藕秋來滿潭

曲更從何處叫三男

九峯閣外柳絲絲學畫吟詩慣在茲當日呼兒兒卽

應至今旦晚總猜疑

書案長居月榻前讀書朗朗綺窻邊白兒去後無人

管竹葉陰陰蝸徧涎

陽湖錢氏家集

卷六

九峰閣詩集卷五

三

忍說閣中望杏樓樓成畢竟怕凝眸爲誰興築爲誰

記滿眼風花滿眼愁

萬里馳函勸讀書道兒學畫且徐徐豈知只剩區區

稿筆片下甯屬子虛

余在都中寄諭杏兒以讀書爲務繪畫餘事

新年遊戲健如飛喜看溪南社額歸屢向阿兄稱李

老眼前那有此奇兒

壬辰新正之三日借其表兄謝仁湛在滄溪南之神廟廟中屬

聯係余所題同邑李君靜之茂才所書見見李君大

歎服歸對伊兄屢稱之孰知閱半載而卽死耶

白樂天哭子句

回憶春闈帶病辰常憂我不見戚人

予壬辰赴禮部試扶病以闈及試畢而痰小見

命翻先盡竟作西河淚裏身

血病中自度若成虛癆則杏兒將不見其成人那知
是秋兒反不起嗚呼傷矣

黃浦會期看海潮虛言八月泛輕橈年年北上經過

地欲引兒魂何處招

壬辰秋予擬往上海攜杏兒同行兒病中猶言病不即愈恐不能隨往

我生三子並昂藏卻喜吾兒性最良汝母向人常自

詭頓遭天忌速兒亡

壬辰夏園中納涼內子戲語大妹云予三子何如大妹笑云姊

即不言子輩亦既知之矣孰知不旋踵而兒以病卒殆造物忌人也

高坐軒前講史書荷花香影繞吾廬

兒夏間在家養病猶爲之講史

記及唐女而今慣把空廊鎖綠滿窗樞草不除

陽湖錢氏家集

卷六

九峰閣詩集卷五

四

爲訪良醫送入城新秋七月嫩涼室可憐永與諸親

訣自此城中不復行

兒因病氣促進城就醫往潘宅謁伊曉呼見壁上貼伊所畫墨

龍自以爲不能奪毀其半又往謝宅謁姑母索取陳小牧先生所畫墨龍欲一觀姑母答以異日來看兒

云再來恐尙多日自此永訣慘哉

七月中元稱勝會相期門外看雲車是朝翻覺沈沈

臥斷送兒身飯一盂

七月三十日吾鄉作地藏王會其盛兒患瘧寒熱來自夜間至

曉熱退便起兒先一日強飯一盂是日便不能起由

此醫藥雜投病卒不救傷哉
數月離師爲養疴那知藥石總傷和愛兒愛樹徧同

病空講唐文郭橐駝

壬辰夏嘗與杏兒講郭橐駝傳予以兒病屢試醫藥病卒不起

類彙駢譏種樹者日視暮撫各爲愛之實則害之也

大母龍鍾過七旬扶兒出入幾經春每逢佳果乘時

見念到吾兒淚滿巾

天

臂上行行汝姊書爲兒慙誌再來途

長女夢龜於杏兒歿後書姓名

籍貫於其臂祝其再來

柴門依舊無須辨只恐親顏近更耀

十九諸生壽六旬病中不信術家云

病中爲兒算命言十九歲入泮

壽算至六十一而止兒頗不以爲然

泉臺不遇神仙救定有冤魂哭夕

曠

法宏菴後草蕭蕭往返飄然暮復朝

杏兒歿後數日見夢於次兒寶

陽湖錢氏家集

卷六

九峰閣詩集卷五

五

黃謂彼晨山夜歸惟所居太寂寞耳

見說夜臺嫌寂寞寄園風月日逍

遙

每逢兒母歸帝去獨立門前望母歸兒母至今還往

地沾巾空爲弔斜暉

言十歲大弟

席上閒評畫與書阿兄自歎不能如傳奇一卷人間

播半屬荒唐半不虛

長男振鐸嘗爲杏兒作傳奇一卷

窗對千霄一樹桐仰天射鵲戲彎弓

長男於壬辰夏自澄江歸買一

弓杏兒每於園中學射

滿庭落葉人何在只見枝頭鵲噪風

昔年滿壁畫龍蛇神勢飛騰難促挈手蹟於今空彷彿

佛半黏蠅篆半苔花

愁望邊氛暗海隅

乙未秋日 水未平

吾兒定喜話孫吳讀書

每遇兵家事便想當年曾講無

杏兒自幼喜關兵事 每追父兄查史書戰

鬪事講之

墳前高掛望仙燈

兒葬後於塚上植竿懸燈題曰果望仙伊母蓋祝仙人垂救也

果

有仙人到未曾爲對家中九峯閣經年經歲竟愁登

見塚離家二里許遥對九峯閣

松竹青青一徑蒼書齋每晚見兒歸而今獨向庭前

步怪煞吾兒竟不來

陽湖錢氏家集

卷六

九峰閣詩集卷五

六

清明土塚記當時不及追隨哭路歧

兒幼時欲隨父兄上塚路歧不

過大哭而返

誰道年年春草綠路旁命竟豎兒碑

看人喪子最堪憐鼎足安能折一邊

壬辰夏間親友有喪子者爲之

惻然語人云譬如我有三子豈能闕一不意遂成語讖

詎料當時成語讖累兒

萬古泣蒼天

巍巍樓閣夢中攀兒去成龍竟不還

余夢登樓見大蛇遺祝諦視之

頭角嶄然兒生年屬蛇醒甚惡之果應其兆

汝姊焚香雷雨夜魂應認

舊家山

長女視杏兒再生夜半聞雷聲甚厲嘗悲焚香禱天

危橋相隔水浮空說夢胡爲彼此通

余夢與杏兒過一橋杏兒已過

余膽怯不敢行早起杏兒亦語人所夢如一旦夢中
見乎同烟丈吳子曜而子曜自杏兒歿後之三日亦
喪其子孤塚兀然應呈定當時夢境倘相同杏兒又
云夢中

有人奪我坐位竟未爲動余亦夢兒坐旁一人淡地
作戲狀夢中色色相應怪哉杏兒之死豈無足重輕
者哉相地甘翁將更奕出泉對白頭四十半矣丸

拾草茫茫風露秋游魂夜夜慘含愁見人猶說欲歸

去想見荒郊不可留有村人夢一童子自稱杏保囑
其送伊歸去

半世年華鬱鬱過願爭歡樂補蹉跎何堪永抱思兒

痛天地荒荒恨不磨不磨不禁對靈羊前

祭汝文章哭汝詩汝兒汝姊並情癡我心着念惟呼

陽湖錢氏家集 卷六 九峰閣詩集卷五 七

痛那可回頭說我兒哀哀無語無語我心着念惟呼

一夜心頭觸幾回肝腸寸寸不禁推邇年怕作生前

夢暗禁開愁枕上來夢樂樂何何恨

長醉常云不願醒消愁畢竟醉無靈圖章空篆謫仙

句龍郎筵前史與經近刻圖章用李太白但願長醉
不願醒藉以自解

名場困頓廿餘秋更喪佳兒催白頭四十七年成底

事算無一著可寄憂事坐坐一

讀書世世困清貧全望兒曹各奮身鼎足已成俄折

一十五豈故厄窮人一

人到中年已漸衰生兒不壽不生佳是兒纔到成童
候忍把明珠地底埋

修到人身原不易就令百歲太匆匆不成一事何堪

死泥在人間五尺童

從遊相失恐難尋 余攜兒出遊斤斤死別安能遽死
照顧恐其相失

心始信丈夫憐少子古來果比婦人深

木蘭枯盡已無枝來歲萌芽續舊時 杏兒卒之歲天
氣奇寒園中木

蘭一株已枯死次年恨
復發非今葱龍如故矣樹可再生人永去卻憐大造

太無知

陽湖錢氏家集 卷六 九峰閣詩集卷五 八

老杏無花閱廿年一朝爛熳態如仙吾兒果是神靈

現胡乃無言向碧天 故宅有杏樹一株已二十年不
開花杏兒卒之明歲花乃大開

異常爛漫人云杏兒精靈所結然耶否耶

一聞一見一游嬉無地無時不憶兒兒若在斯年十

五 自壬辰至乙未兒已十五歲矣一般文采更堪思

鯨鯢弱冠志求名無復童年嬉戲形惟有膝前八齡

女笑談間似杏兒聲 余長子字夢鯨次子字夢鯢

虞山山水鬱青蒼聞說吾兒到此鄉 見訪子
圖說再世歸

來尋故宅九峯高閣記垂楊

十二年來事百般逐層不敢紀毫端行行說盡傷心
語徒累人家掩淚看

慰暗詞章富百篇難將幽恨洗重泉兒生自有千秋
業何藉區區志痛編

年來搦筆嬾吟詩滿腹牢騷眾莫知痛子無窮還自
痛千秋看我憶兒詞

題望杏樓七律八首用趙甌北先生哭兒耆瑞
韻名痛其子各書所懷何必步前人之韻余

步前人之韻以見前之人有與余同病者用

陽湖錢氏家集

卷六

九峰閣詩集卷五

九

其韻聊藉以分痛云爾

代謝紛紛萬古哀那堪生小便相摧蠢靈舉世樂無
死頭角驚人況有才一紀幾時成夢幻百年多病更
愁催千秋事業從何競爲汝長留望子臺

我生才德並無傳慚愧吾兒說象賢桃柳陰中人宛

在蓬萊島上月虛懸

見杏兒望月詩

平生書畫兩三卷塵世

悲歡十二年憑檻一吟腸一絕閒愁難向大荒捐

吁嗟觸鷺老憐兒慷慨非同少壯時千載不歸甯可

想九原再起未爲遲眼觀雲物會同玩天與聰明無

所師窗外烟巒青一抹何年來續看山詩

天地冤氛永不磨喪身畢竟是微疴不應短命隨王

劫翻悔危時請華陀兒死畢竟為醫所誤既有佳兒庸可夢况

如是子本無多擬將披髮辭家去何處天涯不念他

高軒過訪震喧闐李氏神童百世傳惟汝有才還自

晦斯人無命太堪憐斜陽慘慘悲孤塚流水涓涓哭

逝川時向壁間覽遺墨龍蛇神彩尚森然

誰道彭殤不足論江山不改恨長存萋萋芳草迷歸

路點點飛花作淚痕漸怕尊前悲老大那能身外看

陽湖錢氏家集 卷六 九峰閣詩集卷五 十

兒孫乳名自寫詩書上偶檢殘編欲斷魂

莽莽泉臺豈可居竟無踪影到鄉閭魚龍空入高堂

夢杏兒未生時伊母夢獲鯉魚故名夢鯉兒病中余又夢大蛇遣蛻頭角嶄然猿鶴應驅

上界與余園內近年連字仿魏碑看慙慙魂隨莊蝶

去蘧蘧危樓一角明斜照來認溪邊舊草廬

古人已去孰重回恨煞荒邱翠一堆極目天邊還望

汝論書地下卻呼誰白雲千載長如此紅杏一枝那

復來安得斯樓常不朽有人憑弔為徘徊

再賦二律

此生浪說付佯狂，狂到如何便可忘。原道中行非易

得。余嘗謂余三子一狂一狷一痴。既爲我子，乃仍殤落花

著地難還樹。啼鳥愁人總斷腸。痛絕老妻心未死。求

仙猶誦舊詩章。

相違四載覺須臾，到底輪迴事有無。每想音容仍活潑，再來門巷未模糊。人非莊列難云達，情比江湖永

不枯。半畝青松兒葬處，年年怕過塚前途。

題此談

千秋黃土怨沈沈，想到冤魂慘不禁。幸向生人言鬼

陽湖錢氏家集

卷六

九峰閣詩集卷五

上

樂稍教放下，乃翁心

家庭來去意，徜徉應對朝朝字。數行只算生離非死

別，幽明小隔亦何傷。

古今並列是陰陽，鑿鑿言訥破渺茫。死後東坡應有

悔，生前亂說太荒唐。

昔游瀛壖

余嘗謂余三子一狂一狷一痴

此生浪說付佯狂

得

陽湖錢氏家集卷七

九峯閣詩集卷六

陽湖錢嚮臬鶴岑

夢中詠桃花源

不識秦亡有漢家更於何處問興衰漁郎一去無消

息悶煞桃源萬古花

題王安節祠

安節宋將臨川人守常州拒元城破殉難祠在城內譙樓北今名臨川里

拔過臨川里不見臨川人其人雖不見其事亘古新

方當宋末時豺虎中原吞所向無堅壁萬騎淪邊塵

陽湖錢氏家集

卷七

九峯閣詩集卷六

衝冠一怒王安節雙刀飛出重圍決一死報國支體

裂戰血千年猶未滅至今墓道新豐碑前忠後孝何

巍巍

安節葬於常其子孫還臨川則世孫伯瑛領正統辛酉鄉薦以祖墓在常求選常州府學教授

未到任臨兵部武選司主事宦遊未幾即與其弟同歸常州守墓死祔葬焉犬羊過此休

窺伺試聽城頭響怒雷

題妹夫謝養田扶桑濯足圖

天風浩浩海山高想見司空意氣豪君作斯圖閒寄

志肯令腳底著塵囂

江南謝氏盡詩豪東晉多才冠六朝君更放懷臻絕

頂。固。應。筆。底。走。風。濤。
少年我亦駕長風。俯瞰三山顧盼雄。垂老壯心無地
展。會須脫屣棄寰中。
鯨鱓縱橫氣不平。伏波橫海歎無成。還期倒挽滄溟
水。一洗乾坤萬象清。

詠謝甥女靜華靜薇降乩事

余次妹適謝氏生子女各二長甥女名靜華
次名靜薇靜薇六歲卽殤靜華年十八矣

戊戌秋患瘵卒兩甥女皆端靜寡言笑卒之

陽湖錢氏家集

卷七 九峰閣詩集卷六十一

次曰其家設乩召之姊妹先後上乩皆言前
生爲天上仙子當以八月四日同歸天府其
家初未敢遽信復召冥中諸親友問之皆云
眞仙間眞仙何故降余家曰有緣問何緣則
云夫人割臂治父上感天帝故兩女下降云
云丁丑春先嚴病危次妹割臂肉以進秘
不告人故余撰先嚴行述未及此事乃竟

上感天神異矣乩語甚長不能盡錄嗚呼余

妹以盡孝之故得兩仙子爲女雖死仍生尙

復何憾兩甥女身列仙班瓊樓玉宇勝在人
間萬億亦復何悲余故書此上問答與所爲
詩以貽妹亦以釋其悲悼也

汝母精誠動九天翻然夜降兩神仙孝思未遂身先
死又種人間不了緣

姊妹相攜叩紫宸玉皇猶識再來人諸仙話別無多
日已在人間十八春

一片仙雲下九霄半空彷彿響瓊瑤樓中藉可長還
往見說天宮路不遙

陽湖錢氏家集

卷七

九峰閣詩集卷六三

一墮輪迴便路人前身骨肉不相親何如長在仙人
籍萬古青天記夙因

慙慙仙人寫姓名兩行侍婢列前楹桂花天氣無邊
好只覺香來分外清

詔容歸省在重陽孝意殷勤感玉皇可帶長生新藥
餌親前同進菊花觴

我是人間萬怪魁龍蛇星宿一家來
靜華道余兒女前身事
增甥女雙仙子自此豪情壓九垓

拜別雙親拜阿翁
見凡塵緣一旦了匆匆整衣雲表

朝天去一笑回頭萬事空

附詞

余悼杏兒一歲四時觸景傷懷無時或釋因
復按十二月填詞十二闕以寫其恨言有壽
而意無窮也

江城子

正月

屠蘇樽酒奠空庭
弔兒靈悄無形
猶記當年戲上水
邊亭亂打催花新羯鼓
梅破萼綠星星
隴頭細草

陽湖錢氏家集

卷七

九澤閣詩集卷六十四

又芳馨杳冥冥
夢難醒最是元宵歌曲不堪聽
往歲新春多少事
雲已散只空青

二月

尋消問息杏林隈
我兒來幾徘徊
天若有情不故此
花開昔是繁華今是淚
紅滴滴點蒼苔
請看楊柳好樓臺
綺窗推望伊誰
月夕花晨沒箇影兒回
只說魂兒能化蝶
盤繞處費疑猜

三月

碧桃無數鬪春風
亂飛紅笑談中
曾與羣兒游戲繞

芳叢賭酒圍棋何處也。今只見掃花童子論詩說畫。
忒玲瓏去匆匆。無蹤試望平原一抹是青蔥。拾翠
分明攜手路。斜照裏恨無窮。露凝細艾。嫩榴花。不將
小桃紅。

窗戶沈沈綠簷際。揜新竹。一片濃陰繞廊行去。蕭齋
清肅。是吾兒。頻歲在中間。慣朝吟夜讀。今也塵封
屋遺迹。難重自。麥隴風來。桐陰雨過。依然芬馥。只明
明斷送好兒郎。算我生無福。

陽湖錢氏家集

卷七

九峰閣詩集卷六

五

期滿五月

酒泛蒲觴綠。聽唱龍舟曲。角黍堆盤紛紛笑。語景光
在。自算吾兒十二度。端陽便今生。了局榴火迎朝
旭。戶戶懸符籙。我也驅魔案頭檢點畫龍一幅。最傷
心神采儼如生。對熒熒高燭。

六月

綠水芙蓉出。吟賞情偏逸。曉露微晞夕陽欲下。徘徊
池側。看今番碧草滿方塘。累花都蕭瑟。細柳層層
密。檻外涼颼拂。葵扇輕搖吟詩學畫。一枝妙筆。怎無

端千點亂螢飛照沈沈幽室

永遇樂

七月

梧苑新涼羅衣漸薄當年病起

杏兒病起於壬辰七月之十日捲盡

炎氣一天雷雨光景長相記榻前斜倚偷描畫稿誰料這番應死縱才人慣遭天忌算來不應如此紫微一樹天然神韻人道與兒相似歲歲花開憐他無語難問生前事仰看銀漢寄言牛女有巧勸君自祕可知道聰明太甚誤人早世

陽湖錢氏家集

卷七

九禪閣詩集卷六

六

八月

急雨淒風仲秋初五是兒死父露冷中庭桂花天氣自此非佳節誰知一紀膝前啼笑僅在我家做客儘佯狂肝腸寸斷那堪向人細說中秋設宴安排菱藕歲歲看兒祭月一自仙游園亭落窠此例從教缺怨他玉兔朝朝擣藥應解長生要訣問何故嫦娥寂寞返魂無術

九日

沽酒題糕一年重九詩家最重我閣臨溪諸峯羅列

晴翠簾前擁。登高時候。攜兒同上極目。風光萬種。看
今日亂鴉點點。飛繞誰人荒塚。簪萸採菊。命儔嘯
侶。興象兒時最勇。射覆猜拳。諸兄讓汝。神采真飛動。
而今安在。這般聰穎。更有何人接踵。逢佳節。弟昆少
一。看他愁湧。

離亭燕

十月

霜葉村村紅照。野外天寒更早。猶憶殮時單袷薄。如
此冷風怎好。當日化綈袍。是否泉臺能到。劉盡平

陽湖錢氏家集

卷七

九峰閣詩集卷六

七

畦香稻。塚土家家祭掃。歷數生還多少。夢到此天光
漸曉。就曉總低徊。畢竟此心難了。

十一月

空際雪花亂舞。幾樹野梅欲吐。天上玉樓清更絕。虧
有神仙舊侶。高處不勝寒。曉夜如何獨處。快雪小
軒如故。月榻仍依舊。所一夕裝成銀世界。何遜瓊樓
玉宇。兒試一歸來。同話別來積愫。

十二月

報道一年將盡。梅柳春光已近。門戶重重楹帖語。曾

見揮毫捷敏。剝落幾星霜。字迹分明可認。爆竹四鄰響。應酒盞。紛紛相競。守歲筵前歡笑處。慙慙聲音未泯。一事一思量。教我如何可忍。

附對聯

園扉
請翹俗士駕

笑讀古人書

延翠亭

桂花松子常滿地

陽湖錢氏家集

卷七 九峰閣詩集卷六八

明月清風是我家

望杏樓

雪軒讀書月榻論書。頻年兄弟偕行。總角已饒名士度。

慧麓品泉。蘇臺覽古。到處湖山隨侍。回頭竟作大

虛觀

樓下

知幾其神。把酒禁談天。丁士

見大者泰。放懷臥枕古人書。

自輓

我死當爲天下哭
今生枉到世間來

先君九峯閣詩集梓於癸巳原詩惟四卷三
弟杏寶之殤 先君悼之作志痛編 遺命

以編內詩附集後今以爲第五卷又搜輯

先君遺詩散見於外者得若干首附以詞與

對聯爲補遺一卷凡六卷 男振鏗 謹志

陽湖錢氏家集

卷七 九峯閣詩集卷六 九

搜羅遺詩散一卷凡六卷 男振鏗 謹志

雲軒於晉書物籍風物帳舊詩卷于首附以隨興

士後以錄內舊制於今以爲卷正卷又對神

慧顯頌卷寶多難古於春對心書法 湖路言靈命

虛與於昏六峯閣詩集於後日惠詩集四卷三

全卷林姓出開來

非我楚歌天不與

自輓

4本
~~4400~~

洋古	册数	4
	发价	600

3

